

廣

雅

疏

義

廣雅疏義卷第十九

嘉定錢大昭晦之甫撰

廣雅卷十

釋艸第十三

說文艸百卉也从二艸通作屮屮艸木初生也象出形有枝莖也古文或以爲艸字讀若徹案洪範庶艸蕃庶古文尚書作屮荀子富國篇刺屮殖穀楊倞注屮古艸字讀書禮樂志屮木零落地理志屮絲木條叙傳天造屮味顏師古並云屮古艸字隸釋高彪碑獄犴

坐中亦以中為艸字禮記述殷制典司六職者司土司木司水司器司貨而外有司草謂之天子六府鄭康成以為即周之稻人又天子六工其一曰草工鄭注以為作萑葦之屬天官九職一曰三農生九穀二曰園圃毓草木三曰虞衡作山澤之材九穀者先鄭謂黍稷秣稻麻大小豆大小麥後鄭說九穀無秣大麥而有梁果藪汜勝之書以稻米黍麻秣小麥大麥小豆大豆為九穀園圃所毓者即蔬材也鄭注百草根莖可食者可食之菜或

莢于圃或采于野厥類孔多通謂之百蔬魯
語云能殖百穀百蔬虞衡所作者締綬徵于
山農草貢徵于澤農是也是山陵川澤原隰
衍沃所出之物上闡國用下濟羣生故洪範
以庶艸蕃庶為五是來備之徵也此篇所擇
或以類聚或以形名皆切于民生日用之所
需不徒為學者多識之助也

藁

音高藁白藁音高也

南山經命者之山有木焉其狀如穀而赤理其汁
如漆其味如飴食者不飢可以釋勞其名曰白藁

可以血玉郭璞注云或作畢蕪畢蕪一名白蓉音
羔見廣雅玉篇蕪功勞切如葛白華蕪音義同
盧學士曰王朗書荳州忘憂皋蕪釋勞

此蕪菜也

玉篇蕪紫蕪似蕪可食魏風汾沮如知言采其莫
陸璣莫菜大如薯赤節：一葉似柳葉厚而長有
毛刺今今人釀以取醪緒其味酢而滑始生可以
為羹人可生食五方通謂之酸迷冀州人謂之乾
絳河汾之間謂之莫齋氏要術引詩義疏云蕪菜
也葉狹長二尺食之微苦即今莫菜也李時珍云

紫萁似蕨有庀而味苦謂之迷蕨初生亦可食案
爾雅釋草芷夫王萁月爾陸氏釋文引說文萁王
夫也是土夫也王萁也月爾也一物三名郭璞注
爾雅乃以土夫為一物云芷艸生海邊似莞蘭今
南越人采以為席又以萁月爾為一物別無可據
遂以廣雅此萁當之此北說也陸氏所見說文是
唐初之本今本說文作萁月爾者乃俗儒改說文
以合爾雅耳紫萁是蕨之別種即所迷謂蕨故亦
以蕨名之非以是為鼈菜也此與紫同萁或萁又
作萁同勤之切

蕒

蕒音善 負音又 也

虛學士曰玉篇蕒疾立切善草善防誘切香草也
又重出善字云步亥切草也廣韻善蕒善也竝本
此案善亦音倍說文云草也易豐六二豐其蔀釋
文鄭薛作善云小席

王白蕒韻也

爲事見曰王下疑脫蕒字或善字

說文蕒玉蕒也玉篇蕒小豆四月王蕒秀也七月
詩疏引本草云蕒生田中葉青刺人有實七月采
陰乾虛學士曰蕒亦善同月令孟夏之月王瓜生
鄭注蕒挈也今月令云王蕒生釋文蕒皮八反挈

起八反蕒房九反業呂氏春秋孟夏紀作王菩生
菩即蕒字正與鄭所云今月令合初學記王菩生
挈也案下別有王瓜則與王蕒非一物今以蕒挈
為王蕒正釋而凡言括樓苦蕒者俱于王瓜條下
具釋此不著

蕒

子平反

蕒也

說文蕒菜也玉篇蕒菜也俎及切馬融廣成頌注
云其根似茅根可食左思蜀都賦興以蕒圃李善
注引埤蒼云蕒蕒也本草蕒采唐本注云葉似蔞
麥肥地亦能蔓生莖紫赤色多生溼地江左人好

生食之闕中謂之菹采文選南都賦其園圃則有
 菜蕝囊荷注引周處風土記云蘆香菜根似茆根
 蜀人所謂菹香蘆與蕝同俗本作蕝誤古今注云
 菹一名蕝荆揚人謂菹為蕝會稽有蕝山王羲之
 采蕝處段公路北戶錄云蘆秦人謂之菹子舊本
 菹訛作茅藉之菹今據說文繫傳訂正盧學士曰
 謝靈運山房賦蕝蕝蕝變蕝吳越春秋越王從音蕝
 惡之後遂病口臭范蠡乃命左右皆食岑草以亂
 其氣岑草即蕝也會稽志蕝山越王嘗采蕝于此
 蕝一名岑菜今吾杭食黃魚必刺之以蕝俗名魚

腥草是也

藜

刀兮反 蘆蔥薺 即甘也

玉篇薺蔥也廣韻藜蘆藥名薺蔥別名蒿木蔥藹
蔥今摺類篇所引訂正本草藜蘆一名蔥薺經吳
普本草一名蔥葵一名山蔥一名豐蘆一名蔥葵
一名公苒陶隱居注云藜蘆根下極似蔥而多毛

抽

時除音 蔕 地榆也

玉篇抽文斗切抽荼菜蔕與荼同廣韻蔕章魚切
蔕蔕蔥名曹音抽蔕為時除下文亦云蔕蔕蔥也
枚乘七發云淑溱蔕蔕李善注引字書蔕蔕草也

葍借與菹蔕聲相近而本草地榆無菹蔕之名疑此菹蔕與上文薺蔥爲一類而地榆上下別有脫文也本草經云地榆味苦寒主消酒生宛句陶隱居云葉似榆而長初生布地而花子紫黑色如豉故一名玉豉金樓子志恠篇語云寧得一片地榆不用明月齋珠地榆一名玉豉豉可煮石石美如芋可食

莪蒿蘆

力甚反 蒿也

說文莪蘿莪蒿屬爾雅莪蘿郭注今莪蒿也亦曰蘆蒿小雅蓼蓼者莪匪莪伊蒿又云匪莪伊蔚陸

幾疏莪蒿也一名蕪蒿生澤田漸知之處葉似邪
蒿而細科生三月中莖可生食又可蒸香美味頗
似萋蒿埤雅靡之為言蒿也一名角蒿字說曰莪
以科生而俄李時珍謂莪抱根叢生俗謂抱壤蒿
蘭蘭也

說文蘭香艸也夏小正五月蓄蘭為沐浴也鄭風
方秉蘭兮傳蘭蘭也陳風澤陂傳同荀子宥坐篇
芷芷蘭生於深林非以無人而不芳陸璣疏蘭即
蘭香艸也春秋傳曰刈蘭而卒楚詞云級秋蘭孔
子曰蘭當為王者香艸皆是也其莖葉似藥草澤

蘭：廣而長節：中赤高四五尺漢諸地苑及許昌宮中皆種之可著粉中藏衣著書中辟白魚洪興祖云蘭草生水傍葉光潤大長有歧陰小紫花紅白色而香五六月盛埤雅於文蘭艸為蘭蘭蘭不祥故古者為防刈云也蘭以蘭之蘭以閒之其義一也

蕒

力對反

芽

才蔽反

也

爾雅蕒蕒董郭注似蒲而細疏云可為屨亦可絢以為索說文董鼎董徐錯謂今人以織屨者是也玉篇蕒闕遂切蕒聲似蒲而細也芽疾來切草名

說文菝艸也左氏成九年傳雖有無絲麻無棄管
蒯正義引陸璣云管似茅而滑澤無毛柔肋宜為
索蒯與管連亦管之類玉篇引作管菝云與蒯同
李杲聲類云菝草中為索玉藻浴出扞履蒯席鄭
澀便於洗足也火記孟嘗君列傳猶有一劍耳又
蒯緹集解蒯茅之類可為繩索隱曰草名音蒯暗
之蒯是類一名茅一名蒯也

廉蔓葎

音肆
也

說文葎蔓屬可以香口息遺切玉篇葎音綏胡葎
香菜萎艾同儀禮既夕篇加綏澤焉鄭注綏廉葎

也取其香且禦溼履綏字異音義同本草圖經履
一名廉蘆生沙石中蘆類也其味大辛而香

草蒿青蒿也

說文藪香蒿也或作藪去及切小雅鹿鳴食野之
蒿傳藪藪也本爾雅郭注今人呼為青蒿香中矣
味為藪陸璣疏蒿青蒿也荆豫之間汝南汝陰皆
云藪也埤雅蒿自有兩種有黃色者有青色者本
艸謂之青蒿亦恐有別也陝西綏銀之間有青蒿
在蒿叢之間時有一兩株迥然青色土人謂之香
蒿至深秋餘蒿並黃此蒿猶青恐古人所用以此

為勝

搗乳苦杞也

說文杞枸杞也玉篇杞苟杞也搗苦口切搗杞也
根為地骨皮本作枸爾雅杞苟攴攴郭注今枸杞也
姑九五以杞包瓜釋文引張璠說苟杞也小雅四
牡集于苞杞傳杞枸攴也左氏昭十二年傳我有
圓生之杞乎杜注世所謂枸杞也本草枸杞一名
杞根一名地骨一名杞忌一名地輔呂氏本草一
名杞已一名羊乳名醫別錄一名却暑一名仙人
杖一名西王母杖小雅鴉羽集于苞杞陸璣疏一

名苦把一名地骨春生作羹茹微苦其莖似莓子
秋熟正赤莖葉及子服之輕身益氣

游冬苦菜也

本草苦菜一名荼州生益州川谷爾雅荼苦菜夏
小正四月取茶茶也者以為君薦蔣月令孟夏之
月苦菜秀陸德明引易通卦驗元岡苦菜生于寒
秋經冬歷春得夏乃成名醫別錄云一冬游冬生
山陵道旁凌冬不死卑雅此草凌冬不雕故一名

游冬

秦姑艾旦鹿何澤翔反古也

本草蜀羊泉唐本注云此草一名漆姑名醫別錄
一名羊泉一名羊胎生蜀都玉篇蒸且栗切葉似
蕪又名華菜藥名錄未詳詹事兄曰文但疑即羊
泉二字之訛

董

丑六反羊蹄也

玉篇董丑力切一名蕙似冬藍食之醋也又丑六
切廣韻董許竹切羊蹄菜又丑六切與遂同然則
此董非名蕙之董矣小雅我行其野言采其遂傳
遂惡菜也箋遂牛蒡也亦仲春時可采也釋文遂
勃六切本又作蓄陸璣疏遂今人之羊蹄似蘆服

而莖赤可淪為泔滑而不美啖之令人下氣幽州人謂之遼曹植七啟云霜蓄露葵李善注引詩言采其蔬又云遼與畜音義同本草羊蹄一名東方宿一名連蟲陸一名鬼目名醫別錄一名蓄陶隱居云今人呼為禿菜菜此與遼蕩馬尾不同彼是商陸此是羊蹄名同而實異也

牛莖牛藪

本草經牛膝一名百倍苗高二三尺葉尖圓如匙兩兩相對有節似牛膝節上生花作穗秋結實吳普生河內或臨邛葉如夏藍莖本赤紫牛類篇作

芋莖舊本訛莖據御覽訂正郝玉篇作藤同

徒昆反世人作
或或採或脈 夫之耳馬莧也

本草莧實一名馬莧一名莫實唐本注云即馬齒
莧也盧學士曰本草馬齒別是一種布地生寔至
微細俗呼馬齒莧南北人朝多與馬莖相混故顏
氏家訓云江東不識馬莖講禮者乃以為馬莧堪
為食亦名脈耳俗曰馬齒江陵嘗有一僧面形上
廣下狹劉緩幼子民譽年始數歲篤晤善體物見
此僧云面如馬莧其伯父劉緇因呼為荔挺法師
緇親講禮名儒其誤如此鮑明遠葵賦別有鴨脚

肥耳

印昌陽菖蒲也

印一作節說文節昌蒲也益州生五剛切天官醢人朝事之豆有昌本鄭注昌本昌蒲根切之四寸為菹呂氏春秋冬至後五旬七日菖生菖者百草之先生也於是始耕高誘注菖菖蒲水草也本草菖蒲一名昌陽節別錄云生上洛池澤及蜀郡

一寸九節者良吳氏本草藝文類聚引一名堯韭陶隱云居菖蒲葉有卷一如劍刀昌陽亦作昌羊淮南說林訓昌羊去蚤蠹而來蛉窮高誘注昌

羊昌蒲

芋夷芍藥也

北山經繡山其草多芍藥郭注芍藥一石學夷亦
香草屬本草經芍藥名醫別錄云一名白朮一名
絳容一名卑食一名解倉一名鉞古今注云牛亨
問董仲舒曰將離時贈以芍藥者何答曰芍藥一
名可離故將別之贈之又一鉞一名卑食一名
婁尾春一名黑牽夷芍藥有二種有草芍藥有木
芍藥木者花大而色深俗呼為牡丹非也虛學士
曰鄭風溱洧贈之以芍藥傳云勺藥香陸戔不識

案說文以底為薺蒺藜之薺字自資盧學士曰自
資當是音自資反詩小雅楚茨禮記玉藻作楚薺
是茨薺字同故可讀為自資切大昭案爾雅茨蒺
藜說文作薺陸氏釋文茨或作薺同據此則曹氏
音釋當云說文以薺為茨蒺藜之茨字音自資反
今本傳寫誤也

狗薺大室亭廬

音廬也

爾雅草亭廬郭注薺葉皆似芥一名狗薺廣雅云
本草葶藶一名大室一名大適別錄云一名丁廬
一名草蒿名醫別錄云生葶藶城陶注云今道近亦

史古堂抄錄

有母則狗薺子細黃至苦圖經云初春生苗葉高
六七寸有似薺根白根莖俱青三月開花微黃結
角子扁小如黍粒微長黃色至夏則枯死陸德明
云今江東呼公薺淮南繆稱訓亭歷愈張鹽鐵論
云亭歷似菜而其味殊頗注意就篇云亭歷一名
拘薺本此虛學士曰朱震亨云亭歷性急善逐水
走泄為用或云有甜苦二種甜者即薺與析莫不
能破氣下水也舊本無亭字今據爾雅釋文所引

補正

道

音秋
音萑
音丸
也

說文萑葦也胡官切玉篇藎徒歷切萑也亦作狹
陸璣詩疏葦也或謂之荻至秋堅成則謂之萑其
初生三月中其心挺出其下本大如箸上銳而細
揚州人謂之馬尾盧學士曰藎即荻字亦作藎淮
南說林訓藎苗類絮而不可為絮高誘注藎苗荻
秀楚人謂之藎苗藎讀戰敵之敵幽冀之謂荻苕
桑夏小正七月秀萑葦傳云未秀則不為萑葦秀
然後為萑葦又云萑未秀為葦葦未秀為藎詩毛
傳藎為萑葦為葦孔穎達云此二艸初生為葦長
大者為藎成則為葦初生為葦長大為藎成則為

葦葢吉士霞曰凡詩中曰蒹葭曰葭莢曰荏葦及後人言蘆荻皆並舉二物言之

會及五味也

爾雅味莖藟鄭注五味也蔓生子叢在莖頭案本草五味子一名會及一名元及陶隱居注云其核似猪腎唐本注云五味皮肉甘酸核中辛苦都有鹹味此則五味具也其葉似杏而大蔓生木上子作房如落葵大如櫻子圖經云春初生苗引赤蔓于高木其長六七尺葉上圓似杏葉三四月開黃白花類小蓮花七月實成如豌豆許大生青熟紅

案今有數種大抵相近

山蕝音芹當歸也

本草經當歸一名乾歸郭璞爾雅注云山蕝當歸當歸今似蕝而聲大釋文云蕝古芹字然則當歸芹類也在平地者名芹生山中而粗大者名當歸也蘇恭本草注當歸苗有二種一種似大葉芎藭一種似細葉芎藭惟莖葉卑下于芎藭也細葉者名馬尾當歸

芪音祇母兒踵東根也

說文葍光藩也或作葍徒含切芪芪母也常支切

爾雅蔞菴蒲郭注生山上葉如韭曰蜺母本草知
母一名蜺母一名連母一名蜺母一名兒踵一名
東根一名野蔞一名地參一名水參一名水浚一
名貨母一名沈蒲一名蔞一名水須一名女雷一
名女理一名兒草一名鹿列一名韭逢陶注云形
似菖蒲而柔潤葉至難死掘出隨生須枯燥乃死
堪治熱病亦主瘡疾圖經云四月開青花八月結

實

都蟬丹參也

本草丹參一名都蟬草一名赤參一名木羊陶隱

居注云莖方有毛紫花時人呼為逐馬御覽引吳
氏本草云一名木羊乳一名却蟬草生桐柏或生
太山山陵陰莖花小方如荏毛根赤四月花紫五
月採根隱乾治心腹痛舊本郝訛郝丹訛也今並
据本草訂正

飛廉扁蘆伏豬木木也

本草飛廉一名漏蘆一名天薺一名伏豬一名飛
輕一名伏兔一名飛雉一名木木生河內陶隱居
注極似苦苣惟葉下附莖輕有皮起似箭羽葉又
多刺缺花紫色盧學士曰名醫別錄又別出漏蘆

一名野蘭陶隱居云俗中取根名鹿驪又云廣雅
飛廉扁蘆今既別有漏蘆則非飛廉之別名扁或
作漏又作藹同玉篇藹藹蘆藥也舊本扁蘆下行
也字今據本草刪正

貝父藥實也

本草貝母一名空草一名藥實一名苦花一名苦
菜一名苧草一名勒母陸璣詩疏蘇貝母也其葉
如枯樓而細小其子在根下如芋子正白四方連
累相著有分解是也陶注本草云出迎道形如聚
貝子故云貝母圖經云二月生苗莖細青色葉亦

青葉隨節出七月開花碧綠色八月採根盧學士
曰本草木部有藥寔云一名連木名醫別錄云生
蜀郡採無時

王連黃連也

御覽引本草經黃連一名王連生川谷范子記然
云黃連出蜀郡黃肥堅者善圖經云葉似甘菊花
黃實似芹子舊本脫黃連也三字今据本草及御
覽所引補正

蘇苑遠志也其上謂之小草

說文覺棘菟也郭注今遠志也似林黃赤花華華

銳而黃其上謂之小草疏云案本草遠志一名細草其葉名小草陶注云小草狀似麻黃而青盧學士曰今注云遠志莖葉似大青而小圖經云遠志生泰山及宛句山谷今河陝京西州郡亦有之根黃色形如蒿根苗名小草似麻黃而青亦有似大青而小者三月開花白色根長及一尺泗州出者花經根葉俱大於他處商州出者根又黑色博物志云遠志苗曰小草根曰遠志頡注急就篇云遠志王益智惠而強志故以為名其葉名小草亦目其細小也

黃良大黃也

本草大黃一名黃良唐本注云葉子莖並似牛蹄
但麓長而厚其根細者亦似宿牛蹄大者乃如梳
虛學士曰御覽引吳氏本草云大黃一名黃良一
名火參一名膚如為中將軍或生蜀郡北部或隴
西二月花生黃赤四：相當黃莖高三尺許三月
華黃五月實黑三月採根根有黃汁切陰乾

花蓍黃文內虛黃苓也

虛學士曰說文莖黃釜也御覽引本草經一名腐
腸生川谷吳氏本草黃苓一名黃文一名妬婦一

名虹勝一名經岑一名印頭一名內虛二月生赤
黃葉兩兩四四相值莖空中或方圓高三四尺四
月花紫紅赤五月莖黑根黃二月至九月採紫玉
筍花竹亞切花眉黃岑眉亡悲切苑眉也妒婦即
花眉也詹事兄曰花眉當作苑眉有妒音負有婦
音後人又加華案御覽所引苑眉不加州圖經云
苗長尺餘莖幹麓如筋葉從地四面作叢生赤黃
葉兩兩相對又名印頭

因塵馬先生也

盧學士曰御覽引廣雅此文并引本草經云因蒿

味苦治風濕寒熱邪氣熱結黃疸久服輕身益氣
能老生太山吳氏本草云因塵神農岐伯雷公苦
無毒黃帝辛無毒生田中葉如蓋十一月採今本
草作因陳別出馬先蒿云味平主寒熱鬼注之中
風淫痺女子帶下病無子一名馬屎蒿名醫云生
南陽據此則因塵馬先似非一物然因蒿雖亦有
塵之名而實非因塵陳此因塵乃即因陳也杜詩不
云乎因陳春蘼香因蒿味苦不堪作茹廣雅所云
蓋即蔚也詩小雅蓼莪伊蔚陸璣云蔚牡蒿也似
蒿三月始生七月華華似胡麻花而葉赤八月為

角：似小豆角銳而長一名馬新蒿葉先與新聲相近以此為即因陳庶乎不謬舊本馬先下脫也字今補正

蛇粟馬床蛇床也

本草蛇床子一名蛇米別錄云一名蛇粟一名虺林一名思益一名繩毒一名棗棘一名墻藤爾雅旰虺林郭注蛇林也一名馬床陶注云近道田野墟落閒甚多花葉正似靡蕪圖經云三月生苗蒿二三尺葉青碎作叢似蒿枝每上有花百餘結同一窠似馬芹類四五月間開白花又如散米淮南

說林訓蛇牀似麋蕪而不能芳高誘注蛇牀臭麋
蕪香舊本粟訛粟据本草改正馬床訛馬牀据爾
雅注改正

蕪考也

盧學士曰說文蕪艸也詩豳風四月秀蕪傳不榮
而寔曰秀蕪：艸也箋云夏小正四月王芣秀蕪
其是乎物成自秀蕪始鄭疑蕪或是王芣其寔非
也穆天子傳珠澤之蕪方三十里爰有萑葦莞蒲
茅苻蕪蕪言苻又言蕪非一物明矣郭注蕪秀屬
夏小正四月秀幽幽乃蕪也小正之文多以秀為

莠言幽是月方秀與幽風同藏氏震曰幽莠語之
轉也案說文莠禾粟下揚生莠戰國魏策文侯曰
夫物多相類而非也幽莠之幼似禾鮑彪云莠禾
下生草幽言其色茂吳師道云說文本云禾粟下
傍生草御覽韋曜問曰甫田維莠今何草答曰今
之狗尾也案狗尾草隨處皆生魯語馬頰不過狼
莠韋注云莠草似稷而無實左氏襄三十年傳伯
有氏門上生莠亦是孟子惡莠恐其亂其_為趙岐注
莠莖葉似苗此則田中尤易生也

常藜馬尾商_音陸_音六也

說文葛枝枝相直葉葉相當玉篇葛蓬葛馬尾蒲
陸也葦葦柳當陸別名爾雅蓬葛馬尾郭注云廣
雅曰馬尾蒲陸本草云別名蕩今關西亦呼為蕩
江東為當陸易夬九五莧陸夬夬王弼注莧陸草
之柔脆者也馬鄭云莧陸商陸也宋衷以莧為莧
菜陸乃商陸苟爽云陸取葉柔根堅也陸差堅于
莧莧根小陸根大也孔疏引董過云陸商陸也今
商陸所在有之枝葉相對味酸辛性有毒形似人
易象取之以其為陽中之陰也本草商陸一名葛
根一名夜呼開寶本草云一名白昌一名當陸蜀

本注云葉大如牛舌而厚脆赤花者根赤白花者根白爾雅釋文云商陸如人形者有神羅願曰今俗名章柳根虛學士曰案今術家取章根作人形祝之則能隱形告人以未來事陸所云有神者謂此大昭案此云常參不見于本草常當為當參謂為陸

鬼桃 銚 戈 羊桃 也

中山經豐山多羊桃狀如桃而方莖可以為皮張郭璞注一名鬼桃治皮腫起本草羊桃一名鬼桃一名羊腸別錄云一名萇楚一名御弋一名銚弋

爾雅萇楚鈇弋郭注今羊桃也或曰鬼桃葉似桃
華白子如小枣亦似桃檜風隰有萇楚傳本爾雅
箋云鈇弋之性始生正直及其長大則其枝猗儺
而柔順不妄蔓草木陸璣疏萇楚今羊桃是也葉
長而狹范紫赤色其枝莖弱過一尺引蔓於草上
今人以為汶濯重而善沒不如楊枝也近下根刀
切其皮著熱灰中脫之可韜筆管陶注本草云山
野多有甚似家桃而又非山桃子小細不堪噉花
甚赤

虎蘭澤蘭也

儀禮既夕篇實綏澤焉鄭注澤：蘭也取其香且
禦溼本草澤蘭一名虎蘭一名龍衆生汝南又生
大澤笈名醫別錄一名虎蒲唐本注云莖方節赤
色葉似蘭草而不香又吳氏本草澤蘭一名水香
生下地水旁葉如蘭二月生香赤節四葉相值枝
節間洪興祖曰澤蘭生水澤中及下溼地苗高二
三尺葉尖微有毛不光潤方莖紫節七月八月開
花蒂紫白色虛學士曰此與上蘭蘭別一種本草
蘭在上品此在中品

裏續斷也

御醫本草經續斷一名龍豆名醫別錄一名接骨
一名南草一名塊唐本注云葉似芋而莖方根如
大薊黃白文桐君藥錄續斷生蔓延葉細莖如陸
大根本黃白有汁此云寢者塊之異文玉篇攘戶
乖切塊別名知古字通也顏注急就篇云續斷即
今所呼續骨木也又有草續斷其華細而紫色根
亦入藥用盧學士曰案龍須一名續斷見下文與
此異

地髓地黃也

說文平地黃也公食大夫禮鬪芻牛藿羊苦豕薇

鄭注今文苦為芋匪雅芋地黃郭注一名地髓江東呼芋疏云本草地黄一名地髓一名芋一名芭陶注云生謂城者乃有子實如小麥同經云二月生葉似車前高者及尺餘低者三四寸花紅紫色亦有黃花者其實作房如連翹子甚細而沙褐色淮南覽異訓地黃主偏骨

薰草蕙草也

說文薰香艸也玉篇薰似靡蕪香草也蕙香艸生下溼地西山經浮山有艸焉名曰薰草麻葉而方莖赤華而黑實是如靡蕪佩之可以已癘史記索

隱引司馬彪云蕙香艸也又引廣志云蕙艸綠葉
紫莖魏武帝以為香燒之今東下田有草莖葉似
麻其華正紫也案本草蕙艸一名蕙草生下溼地
陶隱居云俗人呼鴛草狀如茅而香人家頗種陳
藏器云按蕙草即蕙根也葉如麻兩相對此即
零陵香也生零陵山谷盧學士曰本書釋天云諸
侯祭以蕙蓋取其香氣可以交于神明也蕙草可
焚故得薰名文子上德篇腐鼠在柞燒薰於堂漢
書兩龔傳以自燒古詩請說銅爐器崔嵬象南之
山朱火然其中青烟颺其間香風難久居空令蕙

草殘

茯神茯苓也

玉篇茯茯苓藥也苓茯苓也本草茯苓一名菟其
有抱根者名茯神圖經云山中古松久為人斬伐
者其析槎^木拮拮枝葉不復上生者謂之茯苓其之抱
根而輕虛者為茯神盧學士曰史記龜策傳下有
伏靈上有兔絲所謂伏靈者在兔絲之下狀似飛
鳥之形新雨已天清靜無風以夜捎兔絲去之即
以搗燭此地燭之火滅即記其處明即掘取之入
地四尺至七尺得矣伏靈者千歲松根也食之不

死博物志栢松脂淪入地千年化為茯苓茯苓當作
伏史記及淮南說林訓俱作茯苓與苓靈並同

菑歲陵名蘧麥也

爾雅釋文引廣雅作菑姜麥句蘧蘧麥也與今本
異大菊蘧麥爾雅說文郭注一名麥句蘧即瞿麥
是郭氏本諸廣雅麥句蘧之為蘧麥信而有徵矣
攷本草紫歲一名陵苕一名艾華在木部而草部
云瞿麥一名巨句麥別錄云一名大菊一名大蘭
陶注云今出近道一莖生細葉花紅紫赤色大可
愛子頗似麥故名瞿麥予竊疑菑歲與陵苕為一

草麥句薑與蘧麥以是一草陸氏釋文無陵苕者
因此條專釋大菊蘧麥故不備引其文也今本廣
雅無麥句薑者脫此三字也當云此歲陵苕也麥
句薑一蘧麥也爾雅苕陵苕郭注一名陵時本草
云又黃華葉白華芨注苕華色異名亦不同小雅
苕之華傳苕陵苕陸璣疏一名鼠尾生下溼水中
七八月中華紫似今紫草花可染皂煮以沐髮即
黑史記趙世家云顏若苕之華集解引慕母蘧云
陵苕之華其華紫邵氏晉涵云如陸璣所言即上
文動鼠尾可以染皂者也鼠尾與陵苕自為二物

陸氏特以其華色相似而混言之。徐鉉傳謂陵
莖即凌霄是也。本草紫葳唐本注謂之凌霄蔓生
依大本久延至齒卽箋謂陵莖之華紫赤而繁。今
凌霄以夏秋之間華厥色紫赤一枝綴華十餘誠
為繁矣。華銳而深青詩所謂其華青青也。至云芸
其黃者汎言華之黃姜不指黃華葉也。御覽引吳
普本草紫葳一名武威一名瞿麥一名陵居腹一
名鬼目一名葳草華如麦根黑大昭案吳氏所云
一名瞿麥者疑因讀俗本廣雅而誤耳。

女蘿松蘿也

小雅頊弁篇與女蘿傳女蘿菟絲松蘿也陸璣疏
今菟絲蔓連草上生黃赤如金今合樂菟絲子是
也非松蘿松蘿自蔓松上生枝正青與菟絲殊異
本草松蘿一名女蘿陸氏見本草菟絲無女蘿之
名而松蘿別俱一條故有此說蓋女蘿寄生松上
猶菟絲寄生草上故廣雅亦別釋菟絲一條也
陵澤甘遂也

本草甘遂一名甘葉一名陵葉一名陵澤一名重
澤一名主田圖經云苗似澤漆莖短小脚覽引吳
氏本草又一名日澤一名鬼魁一作魁一名甘澤范子計

然曰甘遂出三輔

馬唐馬飯也

本草猶亦名馬唐一名馬飯一名羊麻一名羊粟
馬食之如唐如飯故名馬唐馬飯生下溼地莖有
節生根陳藏器云堪飼馬云馬食如糖故曰馬糖
虞學士曰說文猶水邊艸也爾雅苜蓿于郭注多
生水中一名軒于江東呼苜音由

山薑米也

爾雅术山薊郭注今术似薊而生山中釋文术本
或作米本草术一名山薊別錄云一名山薑一名

山運吳普云一名山芥一名天蘇陶注云木乃有
兩種白木葉大有毛而作極根暗而少膏赤木葉
細無極根小苦而多膏

地血茹慮舊也

舊史記貨殖傳作蒿廣徐曰蒿一名^天藍其花染
緋亦黃也說文茜茅蒐也蒐茅蒐茹慮人血所生
可以染絳爾雅茹慮茅蒐李巡曰茅蒐一名蒿鄭
風東門之墀茹慮在阪箋茅蒐生焉陸璣詩疏茹
慮一名地血齊人謂之茜徐州人謂之牛蔓小雅
瞻彼落矣秣路有爽傳秣路者茅蒐染草也箋云

跖跿者茅蒐染也茅蒐跖跿聲也儀禮冠禮疏周公時名清艸為跖艸以此跖染韋合之為跿詩疏引鄭駁異義云跖草名齊魯之間言跖跿聲如茅蒐字當作跖陳留人謂之清名醫別錄云一名地血一名茹蘆一名清蒿草生山谷蔓延草木上方葉中空數寸一節每節四五葉相對葉如棗而上銳實如椒而小園圃亦有種之者

兔邱兔絲也

呂氏春秋季秋紀人或謂兔絲無根兔絲非無根也其根不屬也伏苓是淮南說山訓千歲之山下有

茯苓上有兔絲訖林訓茯苓掘兔絲死又云兔絲
無根而生本草兔絲一名菟蘆一名兔縷一名唐
蒙一名玉女一名赤綱一名菟蒙生朝鮮川澤田
野蔓延草木之上色黃而細為赤綱色淺而大為
菟蒙博物志女蘿寄生兔絲兔絲寄生木上生根
不著地顏注急就篇云兔蘆即兔絲也色黃而細
者為兔絲粗而色淺者為兔蘆亦縷也一名兔
蒙：繩索之意也

地筋

居勅反

枸杞也

枸杞即上文苦杞此又釋文廣異名也列仙傳陸

通食素虛木實抱朴子云拘杞一名托虛或名天
精或名却老

地毛莎藟也

夏小正云正月緹縞傳曰縞也者莎藟也緹也者
其實也先言緹而後言縞者何也緹先見者也何
以謂之小正以著名也爾雅縞侯莎其寔媿說文
莎縞侯也繫傳云莎一名縞一名侯莎詹事兄曰
如說文當以縞侯為名徐楚金以侯莎連文讀之
非也文選注引司馬彪云一名侯莎急就篇注云
莎即今青莎草也漢書子虛賦高燥則生薛莎張

博士彼注云莎稿侯也。虛學士曰詩小雅南山有臺傳夫酒也。陸璣云舊說夫酒莎草也可為裳笠。都人士云臺芝。緇撮傳云臺所以禦雨毛與酒義相同是一物也。爾雅翼莖葉似三稜周匝多毛今謂之香附子一名雀頭香。江表傳魏文帝遣使于吳求雀頭香其即謂是也。隋與隋同。

美丹甘草也

說文昔甘草也。淮南覽吳訓今夫地黃主屬骨而甘草主生肉之藥也。御覽引本草經云甘草一名美草一名齋甘味平。此美丹疑美草之訛別錄云

云一名密草一名落草圖經云春生青苗高一二尺葉如槐葉七月開紫花似柰冬結實作角子如葶豆根長者三四尺莖細不定皮赤上有橫梁上下皆細根也盧學士曰爾雅蒿大苦郭注今甘草也蔓延生葉似荷青黃莖赤有節：有枝有當或云蒿似地黃沈括夢溪筆談云爾雅注云：此乃黃藥味極苦故謂之大苦甘草枝葉悉如槐高五六尺但葉端微尖而糙澀似有白毛實作角生如相思角作一本生熟則角坼子如小扁豆極堅嚙不破案此與圖經所言合然則大苦非甘草也

事兄曰古人以大苦為甘艸取相反為義沈括說
不足信

苦華歟凍也

爾雅蔓奚顆凍郭注云歟冬也紫赤華生水中楚
詞九懷云歟冬而冬兮雕彼葉柯傳咸歟冬賦序
云余曾逐禽登于北山于時仲冬之月也冰凌盈
谷積雪被崖頽見歟冬嶂然歟華艷是草生于曾
冰之中故謂之歟凍亦名歟冬一名苦華本草歟
冬一石索吾一名顆凍一名虎鬚一名菴蕒一名
氏冬陶注形如宿蓐未舒者其腹裏有絲其花乃

如大菊花其冬月在凍下唐本注云葉似槐葵而
大業生花出根下圖經云欵冬有兩種一種葉似
萹薺而花初出如菊花者一種葉似荷而紅花急
就篇欵東貝母蔓狼茅翹師古曰即欵冬也以其
凌寒叩冰而生故為此名也急就又云丰夏色炎
艾素吾顏注素吾似欵冬而腹中有絲生陰地華
黃色一名獸須是欵冬與素吾非一物紫赤華者
乃欵冬耳

黃精龍銜也

盧學士曰博物志黃帝問天老曰天地所生豈有

食之令人不死者乎天老曰太陽之草名曰黃精
餌而食之可以長生抱朴子曰黃精一名鹿竹一
名雞格一名岳珠服其葉勝其膏本草一名黃芝
一名玉芝草一名戊己芝一名菟竹一名龍銜一
名米舖一名重樓一名野生薑一名救窮草一名
仙人餘糧三月生苗高一二尺華如竹葉而短兩
兩相對嫩苗米為茹名筆管菜甚美莖根柔脆煩
挑枝本黃木赤四月開青白花如小豆華結子曰
如黍粒亦有無子者根如嫩生薑而黃色純得上
之冲氣而乘乎季春之令令久服則輕身延年不

飢

細條少辛細辛也

中山經浮戲之山其東有谷名曰地谷上多少辛
郭注細辛也管子地員篇沃土之次曰五位羣藥
生小辛大蒙御覽引吳氏本草細辛一名小辛一
名細草如葵葉色黑一根一葉相連

菝

菝音找挈狗脊也

玉篇菝菝狗脊草也根上蒲八切下苦八切廣韻菝
菝狗脊根可作飲皆本此吳氏本草狗脊一名狗
脊一名赤節如萹薹莖節如竹有刺葉圓而根黃

白亦如竹根毛有刺歧伯經云莖長節葉端圓青
赤皮白有赤脈名醫別錄一名強替一名扶蓋名
扶筋陶注今田野處有與菝葜相似而小異本
草又有菝葜陶注云此是三種大略根苗並相類
菝葜莖紫短小多細刺小減草解而色深唐本注
云陶說非也草解有刺者葉粗相類根不相類草
解細長而白菝葜根作塊結黃赤色殊非狗脊之
流也如本草說則菝葜狗脊為二物矣

陵芟解

古買反 古埋反

又

苟音

漢明羊角也

說文陵芟也楚謂之芟秦謂之解后司馬相如說

作遊芰陵也杜林說作芰薺；若也若薺若也天
官蓮人加蓮之寶菱芰栗脯注菱芰也說文引字
林云楚人謂陵曰芰楚語屈到嗜芰韋注芰菱也
宋玉招魂雜芰荷些王逸注芰菱也秦人謂之薺
若案本草謂之芰晉蘇頌注云菱處；有之葉浮
水上花黃白色花落而實生漸向水中乃熟實有
二種一種四角一種兩角而角中又有嫩皮而紫
色者謂之浮菱武陵記四角三角曰芰兩角曰菱
其華紫色晝合宵炕隨月移轉猶葵之向日洪興
祖補注離騷云芰生水中央浮水上花黃白色吳

仁傑云菱花黃白而葉綠故反離騷云矜芰加之
綠衣羊角一本作羊明爾雅特菱厥攸郭注陵今水
中芰又薜后英光郭注決明也葉銳黃赤花實如
山茱萸或曰菱也關西謂之薜后釋文陵字又作
菱本草經石決明味酸草決明味鹹吳普本草云
決明子一名草決明一名羊明盧學士曰杜子美
秋雨數詩雨中百草秋爛死階下決明顏色鮮色
明著葉滿枝翠雨後開花無數黃金錢注引本草
決明夏初生苗七月有花黃白色案陵菱薜菱芰
芎藭后英決字異音義同舊本薜芎下行也字案

漢明與解若本是一物下文羊躑躅英光方是藥草今訂正

苓耳莖常泉胡泉泉耳也

說文苓卷耳也務卷耳也是菜耳又名務也周南采采卷耳傳卷耳苓耳也陸璣疏葉青白色似胡荽白華細莖蔓生可煮為茹滑而少味四月中生子如婦人耳中璠今謂之耳璠州幽州人謂之齋耳爾雅卷耳苓耳郭注引廣雅云泉耳也亦云胡泉耳一名胡泉一名地葵一名菘一名常思陶注云一名羊負來昔中國無此物言從外國遂羊毛

中來也淮南覽訓韓師庶女位賤尚之藁高誘注
尚主也藁者藁耳菜名也幽冀謂之檀菜雖下謂
之胡藁主是官者至微賤也韓師庶女之位復賤
於主藁之官離騷薺菜施以盈室王逸注薺藁耳
也逸自為九思云藁耳分充房注云藁耳惡草名
也

雞狗孺

反奴疾

哺公也

本草蒲公一名構搏草唐本注云葉似苦苣花黃
斷有白汁人皆噉之盧學士曰今人呼為蒲公英
者是處有也孫氏千金方載其效作鳧公英庚辛

王卍作搗搗英莖葉似苦苣斷之有白汁堪生噉
花如單菊而大葉狗構孺孺哺蒲字異義同雜未
聞

羊躑

直或躑音英光也

英光一名決明說文繫得云決明藥菜也馬蹄者
葉銳下而實與山莢菜亦良似華深黃色古今注
羊躑躅花黃羊食之則死羊見之則躑躅故名羊
躑躅名醫別錄曰一名玉支生太行山及淮南陶
注花苗似鹿蔥案爾雅薜若英光與此名同而實
異薜躑躅字異義同爾雅釋文引作躑躅無羊

字

董

謹音世久作董
字如此失之 藿徒弔也

草之名董者有二一種是烏頭爾雅茭董艸郭注
即烏頭也江東呼為董音勒音晉語置董于肉詩疏
引劉逵注董烏頭也又謂之和董淮南說林訓蝮
蛇螫人傅以和董則愈是也一種是董葵夏小正
二月祭董爾雅藟苦董郭注今董葵也葉似柳子
如米灼食之滑說文董艸也根如薺葉似細柳蒸
食之甘蓋董菜二月生苗其葉對節其莖中虛而
而有稜其氣苦燥其味微苦故名苦董大雅懸云

周原膳膳董荼如飴正謂此也蘇恭本草云董菜
野生非人所種葉似莪菜花紫色是也案爾雅釋
文引本草蒟藟一名董艸一名芟此篇以董釋藟
疑指烏頭之董說文藟藟艸也芟董也藟芟二字
連文董芟聲相轉蓋即說文之芟矣 盧學士曰
詩大雅綠董荼如飴傳云董菜也釋文引廣雅董
藟也云今三輔之言猶然說文董艸也根如薺葉
如細柳蒸食之甘藟藟艸也芟董艸也案說文藟
芟二字連文而郭注爾雅以芟董艸為烏頭非廣
所云孔氏釋詩董荼乃以烏頭當之誤甚夏小正

二月蒞葦采繁傳云皆豆實也言如芹菁之類皆可登之于豆也爾雅拜蒟藿郭注蒟藿亦似藜釋文云說文廣雅皆云葦也疏云此亦似藜而葉大者也醫葦苦葦郭注今葦葵也葉似柳子如米泔食之滑疏云本草唐本注云此本野生非人所種俗謂之莖菜葉似蕨花紫色者內則云葦葦粉榆是也鄭注內則云葦亦葦類也冬用葦夏用葦正義素士虞禮記夏用葵冬用葦鄭注夏秋用葵冬春用乾葦不同者以經文相對各不同故也藿亦作羅管子小匡篇蓬蒿藜藿並興又詩小雅北山

有菜陸璣疏菜艸名其葉可食今兗州人蒸以為茹謂之菜蒸案即今之灰菹菜吾杭讀菹如條猶徒弔之遺音也當與董一類故附著之

葦茹也

古藜字作葦又通作菜：葦聲相轉說文董艸也讀若葦又云菜蔓華也爾雅作葦蔓華小雅北山有菜齊民要術引詩義疏云菜藜也莖葉皆似綠王芻今兗州人蒸以為茹謂之菜蒸譙沛人謂雞蘇為菜山倉云菜菜莢此二章草異而名同玉篇菜藜草也廣韻與玉篇同此云藜者即說文之董也又

釋筆為藜者玉篇芦華榮也草木花初生者古之作筆是筆為莖之重文非廣雅意也筆是藜字之為脫其丰耳肆即莖之異文集韻肆莖也董乃莖之藹 虛學士曰筆說文作莖古文作筆廣韻莖與聿同鈕云草木初生今廣雅則專指為藜亦莖之類也莊子徐無鬼篇藜藿柱乎懸懸之逕韓詩外傳孔子困于陳蔡之間蔡羹不糝白虎通諫諍篇曾子之妻黎烝不熟黎與藜同其初生可食故亦名筆迨其老也可為杖亦可為帚皆是物也

寄屏寄生也

此是寄生艸上者本書釋木篇堯童寄生搗也是
寄生木上者本草寄生一名寄屏

犁如桔梗也

管子地員篇五位之土有蔓桔與梗司馬彪注莊
子徐無鬼篇桔梗治心腹血瘀癥瘕御覽引吳氏
本草桔梗一名符危一名白藥一名利如一名梗
草一名盧如紫如薺茺莖如筆管紫赤二月生圖
經云葉如杏葉而長橢四葉相對嫩時可煮食之
花素碧色似牽牛其根有心無心者乃薺茺也戰
國齊策淳于髡曰夫求柴胡桔梗于沮澤不能得

一焉及之皋黍梁父之陰則却車載耳逮康記建

出桔梗極精好犁利字通

白朮

往律反世人作朮字
如此失之古文秣字牡丹也

此是木芍藥上手學淺是草芍藥盧學士曰朮有

蒼白二種上云山薑朮也不言白則蒼朮也本草

經朮在上品而無蒼白之別牡丹在中品云味辛

寒主寒熱中氣惡痰驚癇邪氣除癥堅癩血留舍

腸胃安五藏療癰創一名鹿韭一名鼠姑生山谷

御覽引吳氏本草葉如蓮相值黃色根如栢黑中

有核范子計然云牡丹出漢中河內赤色者亦善

案今之牡丹本名木芍藥自唐始貴重耳花亦以鹿韭鼠姑名之而未有言其即白朮也與此所言之牡丹蓋名同而寔異也但今之白朮產杭之於潛者最著名俗名靈頭朮切開有朱沙班者為最良與吳普所狀亦微不合未能審甚詳也

龍木龍須

思史及案說文須以多世人作須字如此失之矣也

中山經貫超之山其中多龍修郭注龍須也似莞而細生山石穴中莖倒垂可以為席本草石龍芻一名龍須一名草續斷一名龍珠生山谷吳氏本草一名須多一名龍本一名草毒一名龍華一名

懸菟盧學士曰今廣雅龍本豈龍本之誤歟

黍莖澤黍也

本草大戟一名邛鉅名醫別錄澤漆一名漆莖大戟苗也陶注生時摘葉有白汁故名澤漆亦能蝕人肉黍漆同盧學士曰爾雅菴邛鉅郭注今藥草大戟也淮南經稱訓大戟去水

顛棘女木也

抱朴子天門冬一名顛棘本草天門冬一名顛勒爾雅顛棘郭注細葉有刺蔓生一名商棘廣雅云女木也閩經本草云天門冬春生藤蔓大如釵

股高至丈餘葉如茵香極尖細而疏滑有逆刺亦有澀而無刺者其葉如綠杉而細散皆名天門冬夏生白華亦有黃色者秋結黑子在其根枝傍入伏後無花暗結子其根白或黃紫色大如手指案張華博物志云莖間有刺而葉滑者名曰郟休一名輞棘根以浣練素白越人名為浣章似天門冬而非也張司空說與本草不同

陵遊龍膽也

本草龍膽久服益智不忘輕身耐老一名陵游陶注狀如牛膝味甚苦故以膽為名

鹿腸元參也

御覽吳氏本草元參一名鬼藏一名正馬一名重
臺一名鹿腸一名端一名咸一名元臺二月生葉
如梅花四：相值似芍藥黑莖方高四五尺華赤
生枝間四月實黑圓經云葉似脂麻又如槐柳細
花青碧色子黑色

地精人蔓

所今反也

說文蔓人蔓藥草出上黨玉篇蔓亦作參盧學士
曰御覽春秋運斗樞曰搖光星散為人參本草經
一名人街一名鬼吳氏本草一名土精一名神草

一名黃參一名血參一名人微一名玉精生邯鄲
三月生葉小兒核黑莖有毛三月九月採根根有
頭手足面目如人名醫別錄曰如人形者有神生
上黨及遼東者為最善

苦心沙參也

御覽本草經沙參一名知母吳氏本草云沙參一
名苦心一名識美一名虎鬚一名白參一名志取
一名文虎生河內川谷或般陽瀆山三月生如葵
葉青實白如芥根大白如蕪菁五月採陶注叢生
葉似枸杞根白實者佳

其蒿青藜

素木反

也飛芝鳥毒也

盧學士曰此別一種不與沙參為同物但未詳其
形狀所出耳羅願說葳紫其云葳其二字古皆以
為助語互用物加艸為志耳此其蒿蓋偶不加草
者也蒿之種類甚多亦有邪名蒿者其與邪音相
近疑即是也。飛芝鳥毒也。盧學士曰未詳白
樂天詩豆苗鹿嚼解鳥毒注箭毒多用鳥頭則與
此鳥毒不同

楚衡杜衡也

西山經天帝之山有草焉其狀如葵其臭如薜蘿

名曰杜衡可以走馬食之已燬郭注香草也史記
索隱引博物志云一名土杏味亂細辛葉似葵故
藥對以為如細辛也案爾雅杜土鹵郭注杜衡也
似葵而香離騷云雜杜蘅與芳芷爾雅疏引本草
唐注云杜蘅華似葵形如馬蹄故俗云馬蹄香生
山之陰水澤下溼地根似細莘白前等圖經本草
云江淮間皆有之春初子宿根上生苗高二三寸
莖如麥蒿每葉上有五六葉或八九葉別無枝蔓
貼地生紫花暗結實如豆中有碎子苗葉俱青本
草經又有杜若一名杜蘅陶注葉似薑而有文理

根亦似高良薑而細氣味辛香又絕似旋復根殆
欲相亂葉小異耳是別為一種非此楚蘅也案相
如子虛賦衡蘭芷若張博士注云衡杜蘅也其狀
葵其臭如薜蘿若杜若也然則廣雅以謂楚蘅非
杜若矣

昨音昨水芋烏芋也

盧學士曰此皆指水中田中之芋也昨茹菹菰也
烏芋勃臍也御覽引廣雅作藉姑齊民要術及名
醫別錄亦作藉姑陶隱居云今藉姑生水田中葉
有極其根黃似芋子而小煮之亦可啖疑其有烏

者又云有一種

三字補

根極相似而黑

本作美

葉亦異

狀如莞

本作莞為莞為段改

草呼為鳧茨恐此也

以上皆隱居說見名

蘇列錄

案前一說即茨菰後一說是勃膾政和本草

不分為二物段氏云二物皆生水田中故合為一

類廣雅通例如此齊民要術太平御覽引此皆在

茅條下非是詐藉茨三字雙聲爾雅芍鳧茨郭注

生下田苗似龍澗而細根如指頭黑色可食案此

即所謂烏芋也後漢書劉聖公傳王莽末南方飢

饉人庶羣入野澤掘鳧茨而食之李賢注引續漢

書作符管鳧符音皆近蒲與勃膾亦一聲之轉也

龍沙麻黃也

本草麻黃一名龍沙吳氏本草一名卑相一名卑
監名醫別錄作卑鹽生晉地及河東酉陽雜俎云
麻黃莖端開花花小而黃子如覆盆子可食

無心鼠且也女腸女莖也

盧學士曰御覽引此文又引廣志云鼠耳葉如耳
縹色名醫別錄云鼠耳一名無心草生川中下地
酉陽雜俎蚍蜉酒草鼠耳也。女腸女莖也。盧
學士曰名醫別錄女莖一名緘女苑一名莖生漢
中苑苑同

天豆雲實也

本草雲實一名苜蓿一名雲英一名天豆唐本注
云雲實大如黍及大麻子等黃黑之豆故名天豆
叢生葉如細槐亦如苜蓿枝間微刺盧學士曰侯
寧極樂譜破亦紙亦名天豆

蕨
如時
反 蕨也

夏小正七月湟潦生華月令季春之月萍始生周
書時訓解云穀雨之日萍始生萍不生陰氣憤盈
詩召南采蘋傳蘋大萍也釋文引韓詩說沈者曰
蘋浮者曰藻陸璣疏云今水上浮萍是也其龐大

者謂之蒨小者曰蒨季春始生可糝蒸為茹又可

苦酒淹以就酒爾雅草蒨其大者蒨郭注云水中

浮萍江東謂之蕪玉篇蕪毗招切或作蕪

竺竹也其表曰篋

反

忍其裏曰箬

反

竺與箬古通用竺竹一節之轉故竺一名竹說文

竹冬生草也象形下垂者篋竹膚也箬竹裏也玉

篋篋竹表箬竹裏本此

篋篋

素反

但篋

音篋

挑支也

爾雅挑支四寸有節郭注今挑枝節間相去多四

寸春官司几筵云加次席爾純鄭注次席挑枝席

有次列成文西山經嶠冢之山其上多桃枝鉤端
郭注鉤端桃枝屬又贊云嶠冢美竹厥號桃枝叢
薄幽靄從容倚單以安履杖以扶危案桃枝可
為算謂之桃筮吳都賦注桃枝挑枝準也又可作
杖魏都賦注挑枝作屬可為杖蜀都賦靈壽挑枝
劉逵注挑枝竹屬也出墊江縣戴凱之竹譜挑枝
皮滑而黃可為席盧學士曰元和郡縣志合州銅
梁山出桃枝竹玉筯筯公逢切嚴蘇早桑葛二切
葛叢挑枝竹筯丁丸切竹名筯古侯切筯筯挑枝
竹屬筯鉤端支枝字異義同

箭箛

音箛至也

西山經英山其陽多箭箛郭注今漢中郡出箛竹厚裹而長節根深筍冬生地中人掘取食之又中山經崑山其木多箭箛玉箛美秘切之竹譜云箛竹高有一丈節間三尺堅勁中為天箛竹謂之箛竿一尺數節葉大如扇可以衣蓬江漢之間謂之箛廣志箛竹可為屋椽箛箛同箛字玉箛廣韻俱無未審所出盧學士曰爾雅東南之美者有會稽之竹箭焉夏官職方氏揚州其利金錫竹箭鄭注箛篠也故書箛為晉業吳越春秋句踐歸國

外傳晉竹十度以復封禮晉竹亦箭竹也謂可以為箭者故名箭

茵薰也其葉謂之蕙

薰草蕙草也已見上文此又廣異名離騷雜申椒與茵桂王逸注茵薰也葉曰蕙根曰薰盧學士曰莊子齊物論蒸成茵蓋茵者蒸燀之氣所生香草亦必乘暄暖之氣而後發故亦名為茵茵與薰音相近薰亦得名于熏蒸也草木之香者多成于南方天時則炎燭地氣則蒸熱此其所以獨盛歟

菓

音羊也其莖謂之蕨

說文芋大葉齊根駭人故謂之芋也又云莒齊謂芋為莒菜芋大也芋之大者謂之芋藜或謂之芋魁魁梁皆言其大也漢書望方進傳童謠云飯我豆齊羹芋魁頗師古注羹芋魁者以芋魁為羹也史記貨殖列傳吾聞汶山之下沃野下有蹲鴟至死不飢集解引漢書音義云水鄉多蹲鴟其山下有沃野灌溉一曰大芋正義曰沃文音岷蹲鴟芋也言邛州臨邛縣其地肥又沃平野有大芋等也華陽國志汶山郡有大芋如蹲鴟玉篇苽公幸切芋莖也本此盧學士曰廣韻芋一名蹲鴟廣雅云蜀

漢以芋為濟凡十四等大如斗魁其車聲鋸子旁
巨青烏等四種多子案此非廣雅文廣韻誤也博
物志野芋食之殺人蒙芋種之三年不收後旅生
亦不可食列仙傳梁客為梁丞使民益種芋三年
當大饑卒如其言梁民不死

芋

考船反又
力暮反

茆兒葵也

說文芋兒葵也洛官切魯頌泮水蓴采其茆兒傳
兒葵也陸璣疏兒葵與苳菜相似菜大如手赤圓
有肥者著手中滑不得停莖大如七柄葉可以生
食又可帶滑美江南人謂之蓴菜或謂之水葵諸

陂澤水中皆有陸氏釋文云茆音卯徐邈音柳韋
昭萌葉反鳧葵也干甯云今之兜躡草堪為菹江
東有之何承天云此菜出東海堪為菹醬也鄭小
同云江南人名之專菜生陂澤中草木疏同一云
今之浮菜即諸蓴也太草有鳧葵陶氏以入有名
無用品解者不同未詳其正沈重以小同及草木
疏所說為得惠氏棟曰紫說文菲鳧葵也以菲非
古文囟字菲即齒也許氏既以齒為齒酒字此菲
必是茆之訛徐作柳音混茆齒為一非也予攷古
音寅卯字與囟相近詩朔日辛卯與醜合類故雖

从寅卯之卯而徐邈亦音柳虛學士曰楚辭招魂
紫莖屏風王逸注屏風水葵洪興祖補注本草鳧
葵即苦菜生水中俗名水葵

菀

古木反 菀也

說文菀作芾云草也玉篇菀子登切菀菀草第公
魂切香草亦作菀廣韻菀香草也盧學士曰招魂
云菀蔽象恭洪興祖補注菀香草也本玉篇

荆葵菽

巨送反 也

說文菽此𧄸也爾雅菽此𧄸郭注今荆葵也似葵
紫色陳風東門之枌視爾如菽傳菽芘芘也芘芽

與此同謝岐云小草多花而少葉葉又翹起陸
璣疏芣苢一名荆葵似蕪菁華紫綠色可食微苦
古今注荆葵一名戎葵一名芣苢華如木槿而光
色奪目有紅有紫有青有白有黃莖紫不殊但花
色有異耳一曰蜀葵羅願曰其說蜀葵戎葵之狀
可也混荆葵芣苢之名於內者非也荆葵花似五
銖錢大色粉紅有紫文縷之一名錦葵

芣

音卯 葵也

玉篇芣巨凶切葵葵音也廣韻與玉篇同盧學士
曰御覽引風俗通曰按孝經說古太平之時葵葵

生階其味酸王者取以調味後以醃醢代之今廣雅但云蕒而顧野王何以知其為蕒英齊治未可信

苞菴也

說文苞草也南陽以為蕒履相如子虛賦其高燥則生歲所苞菴李善引張博士注苞蕒也盧學士曰案玉篇蕒蒨屬可為席平表切廣韻菴園草禡也徒口切廣雅所指不知是否案草木叢生亦曰苞亦作包禹貢徐州草木漸包傳云叢生因疑菴即榆也齊民要術言榆一根上必十數條俱生只

留一根强者餘悉去之此非叢生之謂乎然則此必有版本未可知

水茵

茵音君也

玉篇茵似入切茵茵水草也廣韻茵茵水草出埤倉舊本茵訛茵音澤亦訛目今訂正

屈居盧茹也

御覽引吳氏本草閩茹一名屈居葉圓黃高四五尺葉四四相當四月葉黃五月齊黑根黃有汁亦同黃三月五月採根黑頭者良建康記建康出草盧茹陶隱居曰花黃二月便月居据盧蘭字異義

同

醜

醜音後 括也

玉篇醜光受切菝括也菝蒲達切菝括瑞草括古
括切菝括廣韻頗篇並以醜與菝括為瑞草楊雄
甘泉賦拊并閭與芟苦兮紛披麗其亡鄂芟苦與
菝括同文選作芟括李善注芟括草名也芟步未
切括音括案字書皆以菝括為一物今菝下括上
有芟字疑芟字之訛曹憲所音也後人轉寫屏入
正文而又添一緩音耳今刪正

菝

菝音 子菜也

玉篇蒿草也九出切廣韻居聿切盧學士曰廣志
子菜一曰馬芹菜凡草木之壯大異於常等者率
名為馬疑此亦在芹類而種獨大者耳

山萆薢香葉本也

荀子大略篇蘭萆薢本漸於蜜醴一佩易之淮南
記論訓夫亂人者若芎藭之與葉本地床之與蘄
蕪也此皆相似者也史記索隱引桐君藥錄云葉
本苗似芎藭葉本草葉本一名鬼卿一名地新名
醫別錄一名微莖唐本注云葉本莖葉根味與芎
藭小別以其根上苗下似葉根故曰葉本盧學士

曰樊光注爾雅云藜本一名藜蕪根名蘄芷藜芷
陸通又郭璞云藜本藜莢也見上林賦注但無言
藜香者水經注三城水又經香山山上志生藜本
故以名焉

貫節貫衆也

爾雅篇苻止藜貫衆本一物而別三名也郭璞注
于上三字云未詳下三字云葉圓銳莖毛黑布地
冬不死一名貫渠爾雅云貫節釋文衆音終鄉覽
引隸炎注云名貫渠案本草貫衆一名貫節一名
貫渠一名百頭一名虎卷一名扁苻一名伯樂一

名藥藻所謂草鴟頭也陶注葉如天蕨其根形色
毛芒全似老鴟頭故呼為草鴟頭證類本草引吳
普云葉青黃色兩兩相對莖有黑毛叢生冬夏不
死

蕒

音

起齊意

音

改也

說文蕒蕒改一名蕒英於力切躡草也一曰蕒改
古禕切帝王世紀鯨妻修己吞蕒莖而生禹後漢
書馬援傳援在交趾嘗餌蕒改齊用能輕身省慾
以勝瘴氣南土意改齊大援欲以為種軍還載之
一車本草意改仁一名解蘇名醫別錄一名屋莖

一名芭膏一名膏生真定平澤及田野八月采膏
采根無時蘇頌本草云蕙苾所在有之春生苗莖
高三四尺葉如黍葉開紅白華作穗五六月結實
青白色形如珠子而稍長九月十月采其實

女青烏菖也

盧學士曰本草經女青一名雀瓢吳氏本草一名
霍由祇紫衛詩芄蘭之支陸璣疏一名蘿摩幽州
人謂之雀瓢名醫別錄雀瓢白汁主蟲蛇毒即女
青苗汁也

巴赤巴豆也

淮南說林訓魚食巴菽而死鼠食之而肥列仙傳
元俗解巴豆膏藥都市七丸一錢治百病范子計
然曰巴菽出巴郡今本草巴豆一名巴叔陶注出
巴郡似大豆最能瀉人唐本注云葉似櫻桃葉頭
微赤未菽叔同御覽引作巴菽

烏眼廉也燕莫

音與

嬰舌也

烏眼未詳幽風七月六月食鬱及莫傳莫嬰莫也
正義與鬱皆以木果釋之鬱為車下李莫為莫李
虞學士曰李未若棗之廣益于人詩何屑及此下
云烹葵及菽則鬱莫當是草實之類御覽引毛詩

疏綱云葛藟一名燕蕒藤好生河許邊得水潤而長喻王九族蒙王恩惠以育子孫今王無澤於族人不如葛藟生河許邊九宋書謝靈運山居賦野有蔓草獵涉蕒蕒可見蕒蕒之為草類明矣

此炭此草也

爾雅疏此草郭注可以染紫一名此炭廣雅云西山經勞山多此草郭注一名此炭中染紫也說文此草也貌此草也炭草也可以染留黃鄭注地官典染草謂之紫荊染草之屬本草云紫草一名紫丹一名紫英御覽引作紫英又引本草一名地血

吳普云紫草節赤二月花唐本注云苗似蘭香莖赤節青花紫白色而實白此紫字異義同庚通作

莖

菝悅菝菝雞頭也

此方言也周禮籩人加籩之實菝菝栗脯鄭注菝雞頭也疏云今人或謂之鴈頭莊子徐無鬼篇雞靡也司馬彪云雞靡即雞頭也名菝與藹子合為散服之延年淮南說山訓雞頭已瘞高誘注瘞頸腫疾雞頭水中菝也幽州謂之鴈頭方言菝菝雞頭也北燕謂之菝青徐淮泗之間謂之菝南楚江

湘之間謂之雞頭或謂之雁頭或謂之烏頭郭注
今江東呼葭狀似烏頭故轉以名之本草雞頭一
名茨蜀本圖經云生水中葉大如荷皺而有刺花
子若拳大形似雞頭實若石榴皮青黑肉白如菱
米

周麻升麻也

盧學士曰大觀本草經升麻一名周麻生山谷又
云生益州華陽國志南中志建寧郡收麻縣山出
好升麻收麻本漢收靡縣靡亦音麻晉始改為收
麻也續博物志收靡非縣因草得名生收靡可以

解毒烏多誤食烏吸口中毒必急飛往牧靡山咏
牧靡以解毒舊本脫升麻二字今据御覽所引及
本草補正

土瓜芴也

爾雅菲芴郭注即土瓜孫炎曰菲菡類又菲蔥菜
郭注菲草生下濕地似蕪菁華紫赤色可食邠風
谷風云采芴采菲傳菲芴也箋菲菡類陸璣疏菲
似菡莖粗葉厚而長有毛三月蒸鬱為茹滑美可
作羹幽州人謂之芴爾疋謂之蔥菜今河內人謂
之宿菜盛學士曰郭注似是別釋如陸璣之言又

是一物某氏注爾疋二處引此詩即菲也芴也葱菜也上瓜也宿菜也五者一物也崔寔四民月令二月盡三月可采上瓜根

蔕

反苦圭

蔕瓠

反古侯

瓠

反鹿侯

王瓜也

玉蔕蔕古哇反二切狗蔕蔕也蔕故吳切蔕蔕瓠瓠

王瓜也集韻引字林亦云瓠瓠王瓜也紫爾

疋狗蔕蔕郭注瓠瓠也一名王瓜是如瓜正赤

味苦本草王瓜一名王瓜陶注土瓜生籬院間子

熟時赤如彈丸唐本注云四月生苗延蔓葉似梧

樓葉但無叉缺有毛刺五月開黃花花下結子如

彈丸生青熟赤根似葛而細多糝盧學士曰今亦
 呼為瓜蔓其根即天花粉也乃說者多與栝樓混
 而為一爾疋果藏之楚栝樓邪注今齊人呼之為
 天瓜高誘注淮南時別訓云王瓜栝樓也亦作瓠
 瓠詩幽風東山正義引本草云栝樓葉如瓜葉形
 兩兩相值蔓延青黑色六月華七月實如瓜瓣說
 文蒼蔓米苾也本草一名黃瓜音同而字異陶隱
 居云出近道藤生狀如土瓜而實有又實中是與
 瓠瓠各異也又紫王芡亦與王瓜文相涉今當以
 草挈解挈菴者俱歸之王芡庶不相混葵葵若

姑瓠鉤字異音義同

王延禧字愈英反羊署預也

北山經景山北望少澤其草多藟英郭注根似羊蹄可食曙豫二音今江南人單呼為藟音儲諸或有輕重耳御覽引吳氏本草署豫一名諸署秦楚名玉延輝越名山芋鄭趙名土藟山羊一名脩脆一名兒草爾經云春生苗蔓延籬落莖紫葉青有三尖角似牽牛盧學士曰紫今人名山藥署豫下一字避唐代宗諱豫改為藟上一字避宋英宗諱曙遂改為山藥相沿至今也儲藟署預並同

舊本玉延為王延今据本草訂正

恒山蜀黍也

本草常山一名互草味苦寒蜀黍味辛平名醫別錄蜀黍常山苗也圖經云常山蜀黍根也葉似茗而狹長兩兩相當莖圓有節蜀本圖經云常山葉名蜀黍也恒山即常山黍古字黍今字也

藟反力水藤也

說文藟草也周南樛木葛藟縈之正義藟與葛異亦葛之類陸璣疏藟一名巨荒似燕莢亦延蔓生葉艾白色其子赤亦可食酢而不美爾雅諸慮山

藥邪注今江東呼藥為藤似葛而麤大又攝虎藥
邪注今虎頭經蔓林樹而生莢有毛刺今江東呼
為攪攝中山經卑山其上多藥邪注今虎頭狸豆
之屬別向九款葛藟藥於桂樹兮王逸注葛藟巨
荒也本草千歲藟一名藟蕪陶注作藤生樹如葛
藟葉如鬼桃蔓延木上汁白

石髮石衣也

爾雅薄石衣邪注水苔也一名石髮江東食之釋
文若徒來反水青衣也齊民要術引周處土記云
石髮水苔也青綠色生於石御覽引風土記水苔

作水衣又云陳釐亦名例理可為紙名苔紙其苔
水中石上生如毛綠色本草圖經云石衣一名石
髮即陟釐也色類于苔而麤澀為異

采

似醉葉禾也

說文禾嘉穀也二月始生八月而熟得時之中
故謂之禾禾木也木王而生金王而死似木以
省象其穗采禾成秀也人所以收从爪禾或作
穗穗禾采之只或作遂並徐醉切繫傳以穗遂為
采之或體又云藥禾也司馬相如也藥一莖六穗
王風秦離彼稷之穗傳穗秀也相如封禪文某一

莖六穗於庖徐廣曰稟瑞禾也司馬貞曰說文嘉
禾一名稟字林云禾一莖六穗謂之稟李善文選
注引鄭康成曰稟擇也一莖六謂穗擇嘉禾之禾
於庖厨以供祭祀大昭稟漢書百官表少府屬官
有稟官疑卽此稟字舊本宋訛采禾訛采今訂正
秆占旱控音反稽音反八音反稟也泰稷謂之稊音稻稷
謂之稊稷稷謂之稊于

說文稟稊也古老切小爾雅云稟謂之稊稊謂之
芻衆經音義引倉頡篇稟禾稊也秆者說文稊禾
莖也或作秆左氏昭二十七年傳鄆將師攻郟氏

且蒸之或取一秉秆馬國人投之玉篇稗稟也稊謂之稗稗者廣韻稗苦紅切稻稗稽者說文稽禾稟去其皮祭天以為席史記封禪書古者封禪掃地而祭席用菴稽集解應劭曰稽禾稟也去其皮以為席如淳曰稽詩曰芘禹貢三百里納秸服孔傳秸稟也鄭注秸謂禾去其穎惟稟秸也漢書地理志作芘今尚書禹貢禮記郊特牲史記夏本紀並作秸禮器注穗去實曰鞣又作鞣玉篇鞣祭神席與秸同是稽芘秸鞣字異音義同柶者說文裂黍稷也良薛切又云稊黍裂也治者汝羊切稗者

與杆同解見上穉者玉篇穉上干切稷穰也本此
麻黃莖狗骨也

上文已云龍沙麻黃也此復釋其莖之名

白芷其葉謂之葍音

西山經號山其草多葍郭注葍白芷別名蕤香
草也離騷云扈江離與辟芷兮洪興祖補注白芷
一名曰葍生下澤春生葉相對婆婆紫色楚人謂
之葍楚詞九歌湘夫人辛夷楣兮葍房王逸注葍
白芷說文芷作葍云葍也切改楚謂之離晉謂
之葍齊謂之葍玉篇芷式視切白芷藥名一名葍

葯於略切白芷葉即藟也史記索隱引埤蒼云齊
曰蔭晉曰藟盧學士曰本草經白芷一名芳香吳
氏本草白芷一名藟一名澤芬一名藟名醫別錄
又一名符離一名藟孫氏星衍曰按名醫所云似
即爾疋藟符離其上南說文別有藟夫藟也藟夫
藟上也是非一草舍人云白蒲一名符離楚謂之
藟豈蒲與藟相似而名醫因誤乎或說文楚謂之
藟即夫藟也未可得詳

公黃

浮滿反

又

復葉音

乃

頂

音轄

在蘇也

爾雅蘇桂在郭注蘇在類故名桂在疏引陶注本

草云葉下紫色而氣甚香其無紫色不香似荏者
名野蘇生池中者名水蘇一名雞蘇皆荏類也說
文繫傳荏白蘇也桂荏紫蘇也方言蘇亦荏也關
之東西或謂之蘇或謂之荏周鄭之間謂之公黃
沅湘之南或謂之菩其小者謂之釀菜郭注公黃
蘇荏屬也音翡翠之翡今江東人呼荏為菩音魚
今長沙人呼野蘇為營音車轄之轄釀菜莖菜也
亦蘇之種類因名云釀蘇字異音義同中山經熊
耳之山有草焉其狀似蘇而赤華名曰葶藶可以
毒魚郭音亭寧訂醇二音

私音稂也

張衡南都賦澁泉香稂李善注澁泉澁水之澤也
又引此文作稂私也齊民要術引汜勝之云三月
種稂稻顏注漢書東方朔傳云稻有芒之穀總稱
也稂其不黏者也羅願曰又一種曰私比于稂小
而尤其黏其種甚早今人號私為早稻稂為晚稻
稂通用說文稂稻屬或作稂玉篇私息延切稂
稂也本此

秣

音稂私也

說文秣稂之黏者食聿切稂沛國謂稻曰稂奴亂

切齊民要術引字林糯黏稻也此篇以秫釋稷或
疑其稻稷不分然此秫糯與上秈稷相對秈與稷
本非一物秫與糯又何必指為一物此不過就黏
與不黏者別言之耳秫是稷之黏者秬是稻之黏
者故亦得為一類也程博士瑤曰今之高高粱
昔人稱蜀黍南方呼盧稌北方呼紅梁以農家多
種赤色者又呼麩梁以其米麩硬不如黍稻梁之
美也其赤色者黏不黏二種黃金色者黏純白色
亦有黏者不黏者多也北五省處處種之大河以
南江淮以北亦處處種之通呼高粱亦通呼秫秫

其糶呼秫糶今南北上下凡互反市井商賈貿易
輒索其簿券觀之無不作秫字者說文秫稷之黏
者今則無論黏與不黏皆曰秫且稱名半海內定
之為稷良亦非誣

程

口見反又 蘇反皮 穊 穊 穊 穊 穊 穊 穊 穊 穊 穊

說文穊糜也子例切糜穊也糜為切穊程穀名穊
天子傳赤烏之人獻穊百載呂氏春秋本味篇飯
之美者有陽山之穊高誘注穊關西謂之糜真州
謂之程玉角程糜也糜穊也穊似黍不黏穊程祭
名程博士瑤田曰黍大名也黏者得專黍名其不

黏者則曰糜或曰糝穀色有黃白黑三種黑者秬
黍也其皮皆有光澤黃白者如象牙黑者如暹光
漆不似小米穀皮之枯澁也今北方呼黍子糜子
糝子古今無異稱惟加子字而已其米通呼黃米
或有呼糜子為稷米蓋唐蘇公輩冒之為稷故相
沿至今有稷米之稱也糝緊字同舊本糝作糝曹
憲避隋諱也又音釋口殄訛口於今並訂正。集
韻引廣雅糝祥也疏臻切今無祥也

糝

反扶云
蘇誅也

說文范臬賢或作糝房未切喪服傳云苴經者麻

之有黃者也牡麻者象麻也淮南齊俗訓胡人見
贊不知其可以為布也高誘注贊麻子也又說林
訓贊不類布而可以為布注贊讀左傳有蜚不為
災之蜚麻字類篇集韻皆追輸切穀名引此文

大豆赤也

說文赤豆也象赤豆生之形此古字經典相承作
菽大雅生民孰之荏菽傳荏菽戎菽也箋戎菽大
豆也爾雅戎菽謂之荏菽詩疏引孫炎曰戎菽大
豆也樊光舍人李巡郭璞皆以為胡豆案淮南地
形訓水勝火故菽夏生冬死高誘注豆火也夏火

王而生冬水王而死春秋莊三十一年齊侯來獻
戎捷穀梁傳曰戎菽也列子力命篇進其菽菽有
穉梁之味

小豆荅也

說文荅小赤也都合切玉篇荅小豆也晉書律志
九章商功法程菽荅麻麥一斛積二千四百三十
寸

踈反布衣豆豌豆丸豆留音豆也

齊民要術崔寔曰正月可種踈豆玉篇踈留也豌豆
豆也踈留豆也盧學士曰或以為踈豆即今之菹

豆未知然否李時珍云豌豆其苗柔弱宛宛故得
豌豆名百穀中最早登者案今北方多產此煮之以
為餅餠極恬美鮑集韻又音聊類篇并州謂豆曰
蠶

胡豆 跽江 蠶音也

玉篇跽跽蠶也廣韻跽蠶胡豆也齊民要術引此
作胡豆跽江豆也爾雅翼引此蠶作雙字時珍曰
跽蠶江江也此豆紅色似多英必雙生故有跽蠶
之名

大麥 楚語也

月令仲秋之月乃勸種麥毋或失時其有失時行
罪無疑鄭注麥者接絕續乏之穀尤重之淮南地
形訓火勝金故麥秋生夏死說文麥芒穀秋種厚
蘊故謂之麥麥金也金玉而生火玉而死以來有
穗者从火高誘注淮南及呂氏春秋皆言麥屬金
而素問云升明之紀其類火其歲心其穀麥鄭氏
月令注麥實自字甲屬木三說不同者蓋鄭以形
言素問以功性言而呂覽淮南說文竝以時言也
說文楚來楚麥也或作華周頌思文貽我來牟傳
牟麥釋文牟字書作麥引孟子麥大麥也今孟子

作趙趙岐注趙大麥也

小趙音未也

說文來周所受瑞麥來趙一來二縫象芒束之形
天所來也故為行來之來又云秣齊謂麥稜也周
頌思文疏引尚書太誓云惟四月太子發上祭于
畢下至于孟津之上升舟中流白魚入于王舟王
跪取出沃以燎之至于五日有火自上復于下至
于王屋流之為鵠其色赤其聲鬼五至以穀俱來
尚書合符后注云五至猶五來不知為一日五來
為當異日也書說云鳥以穀俱來穀以紀后稷好

德尚書旋機鈴及合符后並有其注云稷好農稼
今烏街穀故云紀之比即說文所謂周受瑞麥也
詩言貽我東牟與書太誓符合牟是人麥則東為
小麥矣漢書劉向傳引詩作麩麩燈燈來也始自
天降惠氏棟曰案郭顯御字指字本作燈古文省
故作東廣仄作麩俗作之案玉篇麩力該切小麥
也麩同

薜薜菴音茅穗似餅也

王風黍離彼稷之穗傳穗秀也薜者玉篇薜穗也

類篇音茶本此紫薜即茶之異文鄭風出其東門

有女如茶箋茶茅秀物之輕者飛行無常地官掌
茶注茶茅秀也茲者說文茲茅秀也息夷切

蒲穗謂之尊反九

說文尊蒲葢也廣韻尊秀蒲竝常倫切

籥音真音鼓反音拜筭音真音鼓反音拜筭音真音鼓反音拜筭音真音鼓反音拜筭音真音鼓反音拜

此釋竹之可為箭箬者也說文箭矢也身官職方

東南曰揚州其利金錫竹箭籥路者說文籥籥路

也路籥路也古文作籥玉篇路美竹中箭也禹貢

荊州淮籥路枯三邦底有孔傳籥籥美竹出雲夢

之澤正義鄭云籥路聆風也竹有二名或大小異

也。籥，籥是兩種竹也。真者，玉籥之人切竹前也。

箛者，玉籥，箛古怪切。竹，箛也。戴凱之竹譜云：江漢

之間，箛竹謂之箛。箛者，玉籥，箛谷早切。箛，箛亦作

箛。唐事兄曰：攷工記，妣胡之箛。注云：故書箛為

箛。杜子春云：箛當為箛。謂箛，箛石經箛字上，半雖

缺，下半从句，不從可。說文無箛字，當以箛為正。箛

與箛形相似，與箛聲尤相近也。箛者，盧學士曰：玉

子淵洞簫賦：原夫籥幹之所生，分于江南。子邱墟

洞條暢而罕節，分標數紛以扶疎。蓋此竹本名籥

而取之為樂器，亦可以為箛也。箛者，玉籥，箛于箛

切箭也本此

燕馱奚毒附子也一歲為萌子二歲為烏喙三歲為
附子四歲為烏頭五歲為天雄

戰國燕策燕秦為燕說齊王曰人之飢所以不食
烏喙者以為雖偷充腹而必死同患也淮南主食
訓天下之物莫凶于雞毒然而良醫索藏之有所
用也高誘注雞毒烏頭又終稱訓天雄烏喙藥之
凶毒也良醫以活人鹽鐵論秦楚三晉號萬乘不
務脩德而負相侵構兵爭強而卒俱亡雖以進壤
廣地如食前之充腸博物志云物有同類而異用

者烏頭天雄附子一物春秋冬夏採之各異顏注
急就篇云烏喙形似烏之背也附子附大根而旁
出也此與烏頭側子天雄本同一種但以年歲遠
近為殊採之有異功用亦別玉篇蕪莊卓切蕪莫
毒即附子也前附子藥名一歲為前子二歲為烏
喙三歲為附子四歲為烏頭五歲為天雄皆本此
本草經附之冬月採為附子一名烏喙又云天雄
一名白菴剛經云側子長二三寸者為天雄剉削
附子傍尖芽角為側子附子之絕小者亦名為側
子元種者為母烏頭其餘大小者皆為附子以八

角者為上烏頭烏喙生朗陵山谷天維生少室山谷
附子側子生狹為山谷四品都是一種所產今並
出蜀土種之法冬至前先将肥瘦陸田耕五六遍
以豬糞糞之然後布種逐日耘耔至次年八月後
方成苗高三四尺莖作四稜葉如艾花紫碧色作
穗壙小子黑色如桑椹本只種附子一物至一年
便有此五物而廣雅有一二三四五歲之分豈今
人種蒔之法用力倍至故爾繁盛也吳普本草云
附子一名良一名千秋一名毒公一名象鼻一名
耿子正月始生葉厚莖方中空葉四四相當與蒿

相似鳥喙形如鳥頭有兩歧相合似鳥之喙故名
曰鳥喙也蕪恭以為鳥喙即鳥頭異名燕玉篇作
蕪廣韻與此同難毒即奚毒即子即萌子萌即聲
相轉或又作側同

蕪反音說蕪菁葉華也

說文萼艸木華也或作萼况于切萼榮也戶瓜切
方言萼萼城也齊楚之間或謂之萼或謂之萼萼
者玉篇萼花榮也廣韻萼花也顏篇萼花榮羽委
切後漢書張衡傳思元賦百卉台萼李賢注引張
博士字詁萼古花字也葩者說文葩華也張衡西

京賦吐葩颺紫薛綜曰葩華也嵇康琴賦若眾葩
 敷榮曜春風李善曰古本葩字為華與郭璞曰葩
 為古花字江淹擬許徵君詩丹葩曜芳蕤菁者說
 文菁韭花也子盈切尚書虞夏傳菁華已竭褰裳
 去之宋玉高唐賦江離載菁張衡西京賦麗服颺
 菁李善曰菁華英也藥者廣韻華內曰葍外曰藥
 離騷貫薜荔之落藥王逸注藥實也洪興祖補注
 藥花鬚頭點也花外曰葍內曰藥郭璞江賦翹莖
 漢藥花舊本草下有花字是華之俗字漢以前未
 之有也此是後人闖入盧學士曰孫貽穀云後人

或以花注華字旁以曉讀者而誤入正文今刪

梧反少項杜蔽研巧菱音菱菱音菱古來株根也

說文根木株也韋昭注周語引汜勝之農書云孟春土長昌楸陳根可拔梧未詳杜者幽風鷓鴣微彼桑土傳桑土桑根也東齊曰杜或曰菱蔽者玉篇蔽下救古鮑二切江東呼藕根為蔽又與菱同爾雅芡芡郭注菱即菱類釋文引廣雅菱根也廣韻藻葦根可食者曰菱菱者說文菱草根也春草根枯引之而發土為撥故謂之菱郭注爾雅云今江東呼藕給緒如指空中可啖者為菱菱者說文

葵艸根也太元養次三云糞以肥邱育厥根葵邪
注方言云今俗名韭根為葵潘岳懷舊賦陳葵被
于堂除通作核漢書五行志孕毓根核顏師古云
核亦葵字也草根曰葵株者說文株木根也陟翰
切漢書司馬相如傳楛木朽株戰國秦策削株掘
根

藟藟反又藟也

說文藟瓜當也都計切文選西京賦注引聲類云
藟果鼻也玉篇藟草木綴實廣韻同盧學士曰爾
疋藟笋莖華榮邪注今俗呼艸木華初生者為笋

音猶燭釋文笋郭音猶羊鍾反疏云此別草木榮
華之異名也棠蔭與笋音相同則義亦同廣韻蔭
草木葉初出與葉似當作華今人但知花朵之朵
不復作蔭字矣

萌芽茁蔭也

此釋草初生之名也孽當作孽說文楸伐木餘也
商書曰若顛木之有卮楸或作孽古文作梓或作
枿者梓之為魯語山不槎孽韋昭注以株生曰孽
淮南以真訓百事之莖葉條梓高誘注梓讀作孽
旁生萌芽也萌者說文萌草芽也月令萌者盡達

鄭注茫而直者曰萌芽者說文芽萌芽也留者虛
學士曰留本亦作留爾尺木立死留邪注本弊頓
留字林作留大雅皇矣作之屏之其蒿其醫留蓋
木已死而復有萌焉者如肄生之類夢者說文夢
灌淪讀若萌莫中切孫比部星衍曰萌者始生也
萌與夢通灌淪即權與爾雅釋詁權與始也大戴
禮記誥志云孟春百草權與揚雄羽獵賦萬物權
與于內徂落于外釋艸其萌穉淪萌當為夢灌淪
當為灌淪郭璞以淪下屬非也

蘇菜功內芥菴葢反于古毛草也

蘇者方言蘇芥草也江南淮楚之間曰蘇自關而西或曰草或曰芥南楚江湘之間謂之芥莊子天運篇蘇者取而燬之釋文李頤云蘇草也萊者說文萊耕多草从艸來來亦聲虛對切玉篇同舊本萊譌菜今訂正芥者左氏哀元年傳以民為土芥孟子君之視臣如土芥注並云芥草也舊本芥譌芬今据方言訂正芥者說文作艸衆艸也从四艸讀與同同方言卉芥艸也東越揚州之間曰卉南楚曰芥草詞夕攔州之宿芥王逸注艸冬生不死者楚人名曰宿芥蘆者爾雅蘆蘆郭注作履苴艸

說文蔥艸也可以束或作茵釋文引字苑云 苴
履底玉篇葢作履苴草毛者左氏隱四年傳潤谿
治泄之毛又昭七年傳封畧之內何非君土食土
之毛誰非君臣杜注並云毛草也班固西都賦華
鬢之毛別九州之上腴焉盧學士云周禮地官載
師宅不毛者有里布先鄭謂不種桑麻也公羊宣
十二年傳錫之不毛之地何休注不毛者境墉不
生五穀是桑麻五穀之類亦皆曰毛也古今注地
以名山為輔石為之骨川為之脉草木為之毛

草叢生為蕒

楚辭九江涉江云露申辛夷死林薄兮王逸注草木交錯曰薄又招隱士叢薄深林洪興祖補注深草曰薄揚雄甘泉賦列新雉於林薄曹植七啟搜林索幽探薄窮阻東哲補止詩白華朱萼被于幽薄李善注引纂要云艸叢生曰薄舊本藂為聚今据文選甘泉賦注訂正

著耆也

白虎通義著龜篇乾州枯骨眾多非一獨以著龜何此天地壽考之物故問之也龜之為言久也耆之為言耆也久長意也說文耆蒿屬生千歲三百

奠易以為數天子著九尺諸侯七尺大夫五尺士三尺陸璣詩疏著以籟蕭青色科生洪範五行傳云著白木^牛一生百莖

蓋母菴蔚也

爾疋荏菴郭璞注今菴蔚也王風中谷有荏釋文引韓詩荏菴蔚也陸璣詩疏云舊說及魏博士周元明皆云菴蘭是也韓詩及三倉說悉云蓋母故曾子見蓋母而感別歎曰荏其穢臭即菴穢也本草菴蔚子一名蓋母一名蓋明一名大札生池澤名菴刊錄一名貞蔚陶注處處葉生如荏方莖子

細長三楞白華華生節間

管茅也

說文管茅也茅管也玉篇管茅屬也小疋白華管
分白茅東分傳白華野管也已漚為管筴管柔忍
中用而史取白茅收束之茅比于白華為脆管亦
作叢中山經吳林之山其中多叢草郭注亦管字
陸城詩疏管似茅而滑澤無毛根下五寸中有白
粉者柔韌宜為索漚乃尤善矣

菜黍稻共采臨游謂之禾

說文齊稷也以禾齊聲或以次作菜黍禾屬而粘

者也以大暑而種故謂之黍从禾兩省聲稻稌也
稌稻也周禮曰牛宜稌紫粢也黍也稻也三者之
德通呼為禾歛程學博瑤田曰粢稷也稷今之高
梁也亦通呼為秫秫說文秫稷之黏者今則無論
黏與不黏皆曰秫黍者大名也黏者得專黍名其
不黏者曰糜或曰稌其黑者為秬黍今北方通呼
其米為黃米稻者亦大名也黏者曰糯不黏者曰
秈曰粳

豆角謂之美其葉謂之藿

說文艾艸實也古叶切藿亦之少也虛邪切玉篇

英豆荚也。藿豆葉也。亦作藿。本此周禮墾衍之地。其植物宜英。盛學士曰：呂氏春秋審時篇得時之菽長莖而短足。其英二七。以為族高誘注：二七十。四實也。蘇氏要術引北勝之書曰：種豆之法夾黑而莖蒼。輒收無疑。其實將落反失之。易林漸之乾曰：且種菽。豆菽成。藿葉。國韓策張儀說韓王曰：韓齊險惡。民之所食大抵豆飯藿羹。

英蒺藜也

玉篇蒺乙卓切。英蒺也。廣雅蒺於角切。英蒺似並。本廣疋。据此則此文當作英蒺蒺也。舊本蒺藜。

蔦且顛倒其文曰英蔦蔦也今訂正說文蔦蒲子
可以為平席案說文蔦部莫下引周書布重莫席
織蔦席也讀與蔦同是莫即古文蔦也顧命篇孔
傳於敷重蔦席作別解而於敷重底席句釋云底
蔦華疏云禮注謂蒲席為蔦華孔以底席為蔦華
當謂蒲蔦之席也急就扁蒲蔦蔦席謂此也宋玉
招魂蔦 拂壁玉逸注蔦蔦席也

蔦蔦芙蓉也

說文蔦蔦蔦也胡感切蔦蔦蔦芙蓉 未發為蔦
蔦也發為芙蓉徒感切蔦尺荷芙蓉邪注別名芙蓉

蓉江東呼荷又云其華蒲葑詩陳風澤陂有蒲葑
葑傳蒲葑荷華也又鄭風隰有荷華傳荷華芙蓉
也今古注芙蓉一名荷華生池澤中實曰蓮華之
最秀異者一名水芝一名水花色有赤白紅紫青
黃紅白二色差多華大者至百葉兩雅翼引陸璣
疏亦云其華未發為蒲葑已發為芙蓉離騷云製
芙蓉以為衣今集芙蓉以為裳王逸注芙蓉蓮華
也詩疏云今江東人呼荷華為芙蓉舊本蒲葑
今訂正

韭竅何戒蒿論其華謂之菁

韭也齏也菹也三者之華為菁盧學士曰天官籩
 人朝事之豆其實韭菹菁藟廣疋則以齏與菹之
 華俱謂之菁韭者呂氏春秋孝行覽之菜美者具區
 之菁高注菜名張衡南都賦秋韭冬菁說文菁
 韭華也又云韭菜名一種而又者故謂之韭象形
 在一之上一地也曲禮韭曰豐本郭注豐茂也齊
 民要術云韭性內生根喜上跳齏者說文齏菜也
 形似韭玉篇齏葷菜也俗作齏兩疋齏鴻薈鄭注
 即齏菜也疏云本草謂之菜芝少儀云為君子擇
 蔥薤則絕其本未菹者廣韻菹巨嬌切菹麥盧學

士曰蒼亦媿作溫庭筠詩日暮鳥飛散滿山麴麥
花又與菽音同借用蘇子瞻詩但見古河東菽麥
如鋪雲虬虹之菽花紫此蒼麥之花白也

歸鄉葵也

說文歸齊實也葵菜也爾尼紅龍古其大者歸差
蘇實耶注俗呼紅草為龍葵語轉耳蘇子味甘磨
事兄曰歸差之文上下相承許祭酒所見爾尼當
是差在歸下歸為蘇實則差為龍古之大者矣差
即差字龍古葉大下垂有參差之象通封駱云立
冬蘇麥生春秋祭露天地之行篇云蘇以冬美冬

水氣也薺甘味也乘於水氣而美者甘勝寒也薺
冬生而夏死其味甘薺民要術引廣足歸邱葵也
今本無邱字說誤耳

藿梁木稷也

盧學士曰梁舊本作梁引覽引此在百穀部梁類
中今據改正藿梁當即所謂藪梁乃粗梁也如糧
童梁之類木稷無攷禮記玉藻沐稷而饋梁又喪
大記君沐梁大夫沐稷是則梁貴於稷也梁稷皆
人之所食者而用以沐則不惟精惟其粗此木稷
疑當作沐稷取藿梁以為之用未知於廣足之義

有當否

葛反文牛緒頤。蔥也

即抽蔥也。字體既異，故後釋之。玉篇：葦，緒蔥也。本此。

翁莖，莖也。

說文繫傳云：艸，將生華先抽莖，莖玉篇：莖，蒲莖謂今蒲頭有臺，臺上有重臺，中出黃，即蒲黃是也。莖臺同。

莞，蘭也。

說文：莞，艸也。可以作席。蘭，莞屬。玉篇：蘭，旅遊切。似

唐韻：莞，卷九

卷

文部

莞而細可為席莞古桓胡官二切似蘭而圓可為
席詩小芘斯干上莞下簟筵小蒲之席也釋文莞
草叢生水中央圖江南以為席形似小蒲而實非
也爾疋莞苻離說文作繞夫離郭注今西方人呼
蒲為莞蒲今江東謂之苻離又庫鼠莞郭注亦莞
屬也纖細似龍須可以為席蜀中出好者舊本莞
訛莞今訂正

菰音蔣行良也其米謂之米

天官冢宰三豆生九穀後邠以苽為九穀之一疏
云以下食醫云凡膳食之宜有魚宜苽故之有苽

也案文說菰雕菰一名蔣蔣菰蔣也玉篇菰胡古
切亦作菰蔣其音雕胡也淮南原道訓浸潭菰蔣
高誘注浸潭之澗以生菰蔣菰者蔣實其米曰蔣
胡菰菰蔰哉之蔰蔣詩水漿之漿相如子虛賦埤
溼則生雕胡張博士注雕胡菰米也宋王詞賦云
為臣炊雕胡之飯烹露葵之美枚乘七發楚苗之
食安胡之飯搏之不解一吸而散西京雜記云顧
翔母好食雕胡飯常帥子女躬自採擷太胡中後
自生雕胡無復餘草又云漢太液池邊皆是雕胡
紫葳綠節蒲叢之類菰之有米者長安人謂為雕

胡葭蘆之未解葉者謂之紫擇菰之有首者謂之

綠節謂之

紅龍莖呼吉馬蓼也

鄭風隰有游龍傳龍紅草也箋紅草放縱枝葉於
隰中陸璣疏一名馬蓼葉大而赤白色生水澤中
高丈餘本草紅草一名鴻蘆如馬蓼而大水生傍
陶注馬蓼生下濕地莖斑葉大有黑點其最大者
名龍莖

蒲呼吉反張揖云蒲蘆也
葉白莖苦實大異恐非蘆也

蘆與葭同玉篇葭渠與切今之古葭江東呼為苦

蕒蕒理解切苦蕒菜本草云苦蕒冷無毒盧學士
曰苦蕒本亦作苦買即苦苣也虞即虞或體歟
苣葢皆通用說文葢菜也似蕒者廣韻苦葢江東
呼為苦蕒然則廣尺並不誤不知曹憲何以指為
非其所非者不著孫詒投紫袁文龜牖問評引博
雅云蕒葢非別是一種菜世稱為銀條菜者與苦
蕒絕不相類可比以證明曹憲之說然文昭又紫
杜子美園官送菜詩云苦苣刺如針王象晉云苦
苣一名苦蕒一名穉苣一名天香菜葉似狹而綠
帶碧莖空斷之有白汁花黃如初綻野菊花春夏

皆旋花開一花結子一叢如苘蒿子花罷則莠歛子
上有毛茸隨風飄揚落處即生處處有之但在
北方者至冬而凋在南方者冬後常青為少異耳
李時珍亦以曾與苴是一物業今北方謂之葎蕒
菜用醬生啖之南方少有食者以葎蕒合為稱則
廣疋之說定不誤

繁母旁勅也

夏小正二月采繁傳曰繁由胡由胡者繁母也繁
母者旁勅也爾疋繁疇蒿郭注白蒿又繁由胡注
未詳陸玑詩近凡艾白者為疇蒿今白蒿春始生

及秋香美可生食又可蒸一名游湖北海人謂之

旁勃勞旁勃同

拉力合逆音蘆菴也豐音入菴女反世人以此

孰蕪精也

方言豐蕪蕪菁也陳楚之郊謂之蘆魯齊之郊謂
之蕪閩之東而謂之蕪菁趙魏之郊謂之火芥其
小者謂之辛芥或謂之幽芥其紫華者謂之蘆菴
東魯謂之拉蓮郭注蘆舊音蜂今江東音蒿字作
菴也蕪音鈴鏡之鏡蘆菴今江東名為溫菴實如
小豆羅司二音拉蓮洛谷火台兩反爾茂蘆菴

郭注脆宜為葎葎葎葎葎葎之類紫花大根俗呼電
 葎說文葎葎葎葎似蕪菁寔如小赤者繫傳云今之
 葎葎也邵氏晉酒曰紫葎葎有大小二種方言釋
 文皆舉小者言之亦有細而長者謂之支離服潛
 夫論思賢篇治疾當得人參反得支離服當得參
 門冬反蒸 參已而不識其合而服之病以增劇
 不自知為人所欺也葎通作葎廊風鄭箋云葎蔓
 菁也坊記注葎蔓菁也陳宋之間謂之葎陳臧器
 本草云蕪菁北人名蔓菁今并汾河胡間燒食其
 根呼為蕪菁根廣韻葎蓮秦人呼為葎葎舊本草訛

箠今訂正

箠瓠也

說文瓠箠也胡誤切論語吾豈瓠瓜也哉何晏注
瓠瓠也瓠瓠史記世家作瓠辰衛風瓠有苦葉傳
瓠謂之瓠陸璣疏瓠葉少時可為羹有可菴莢極
美故詩曰燔燔瓠葉之未烹之今河南及揚州人
恒食之八月中堅強不可食故曰苦葉古今注瓠
瓠也瓠虛瓠之無柄者也瓠有柄者曰懸瓠可為
笙曲沃者尤善秋乃可用用則漆其裏瓠在八音
之一古者笙十三簧等三十六簧皆列管瓠內施

簧管端

冬瓜菰菰也

玉篇菰菰立切冬瓜也廣韻同本此盧學士曰此瓜經霜乃熟十月足收之故冬瓜為瓜之美者

水芝瓜也其子謂之瓠功占

水芝齊民要術引作土芝唐本草引作地芝玉篇瓠力玷切瓜子集韻音廉

龍蹠虎掌羊散兔頭桂支容筒温音瓜徒昆反狸頭白瓠反無餘瓠屬也

齊民要術引張載瓜賦羊豮累錯瓠于市江廣志
云瓜之所出以遼東廬江燉煌之種為美有烏瓜
縑瓜狸頭瓜蜜蒲瓜女臂瓜羊髓瓜瓜州大瓜大
如斛出涼州有桂枝瓜長三尺餘蜀地温食張載
瓜賦又有虎掌羊豮桂枝蜜蒲陸璣瓜賦栝樓定
桃黃瓠白傳金釵蜜蒲小青火斑元肝素腕狸首
虎蹄夷陵出于秦谷桂髓起于巫山也案齊民要
術引此文蹠作肝掌作蹄支作枝蜜作密白瓠作
六狄縑瓜下又有瓜字餘同廣韻引此文蹠作蹄
虎作獸支作髓又有小青火斑二名玉篇瓠於龜

切瓠瓜名舊本瓠訛瓜今訂正

狗蟲鉅勝勝宏胡麻也

本草經胡麻一名巨勝葉名青葉吳氏本草一名
方金一名狗蟲名醫別錄一名方莖一名鴻臚圖
經云處處有之苗梗如麻而葉圓銳光澤嫩時
可作蔬道家多食之盧學士曰御覽引孝經授神
契鉅勝宋均曰世以鉅勝為苟杞子葉宋說蓋不
然之詞也舊本鉅下脫勝字案玉篇莖勤侶切莖
藤胡麻也勝詩證切莖藤胡麻也又云藤莖胡麻
也胡麻又名巨勝嘉祐本草兩引廣雅皆云狗蟲

巨勝藤莖胡麻也今据補正鉅莖巨勝藤莖並同
芥蘘水蘇也

本草經芥蘘名醫別錄一名雞蘇一名勞祖一名
芥蘘舊本芥蘘訛為芥蘘今据本草及通志草本
略訂正

當道馬馬也

爾疋菜昔馬馬馬車前郭注今車前草大葉長
穗好生道邊江東呼為蝦蟆衣陸璣詩疏馬馬一
名車前一名當道喜在牛跡中生故曰車前當道
也今藥中車前子是也幽州人謂之牛舌草可鬻

作茹大滑其子可治婦人產難本草車前一一名當
道別錄一名菜菔一名蝦蟆衣一名牛遺一名勝
鷓久服令人身輕不老圖經云春初生苗葉布地
如匙而果年者長及尺餘如鼠尾花甚細青色微
赤結實如葶蘆赤黑色

朝菌朝生也

盧學士曰朝菌即朝字莊子逍遙遊朝菌不知臨胡
釋文司馬云大芝也天陰生冀土上見日則死一
名日及故不知月之終始也崔云冀上芝朝生暮
死晦者不及朝朝不及晦爾文云歛生之芝也爾

尺中魁菌郭注地蕈也似蓋今江東名爲土菌亦
白魁厨可啖之又小者菌注大小異名又出隧
蔬蓬蒿似土菌生菰草中今江東啖之甜滑案說
又菌地蕈也蕈柔蕈蕈木耳也一曰菴菴又云
菌興地蕈蕈生田中瑞文作蕈繁傳云蕈多生桑
楮之上也本草蕈本注云菰手以其似小兒臂也
蜀本注云三年中心生白臺如藕狀曰菰首其根
生小菌者名菰菜列子湯問篇朽壤之上有菌芝
者生于朝死于晦御覽引博物志江南諸山郡中
大木柢倒者經春夏生菌謂之榘食之有味而忽

有毒殺人云此物往往自有毒者或云蛇所著之
楓樹生者啖之令人笑不能止治之飲土漿多愈
物類相感志引孫炎云此是俗間孫炎非孫叔然
聞雷即生俗呼地菌白如脂可食亦名地蕈北丁
馗厨江東人今呼土菌

徐長_丁文卿是督郵也

御覽引本草經徐長卿一名鬼督郵生太山吳氏
本草云一名石下長卿或生隴西唐本注云葉氏
柳兩葉相當有光潤根如細辛微麤長而有臊氣
盧學士曰本草又別名鬼督郵一名赤箭一名離

母與此名同而實異者也

附支道草

街覽引本草經道草一名附支生山谷吳氏本草
道草又名丁翁生石城山谷葉青蔓延范子記
然曰道草出三轉唐本注云道草大者徑三寸每
節有二三枝枝頭有五莖其子長三四寸核黑瓢
白食之甘美南人謂為燕覆或名烏履廣韻道草
藥名中有小孔通氣盧學士曰中山經升山其草
多冠脫郭注冠脫草生南方高丈許似荷葉而莖
中有瓢正白零陵人植而白灌之以為樹也爾雅

離南活覽那注與山海經同又倚商活脫注即離南也紫冠脫活脫活脫皆聲相近是一物其狀與道草同今人薄切之以為紙可用作書又染采為婦人華勝之用

鬼箭神箭也

本草太部衛矛一名鬼箭生山谷吳氏本草葉如桃如羽或生野田陶注莖有山羽狀如箭羽俗皆呼為鬼箭

簇盆陸英葍也

爾雅葍簇盆那注覆盆也實似葍而小亦可食疏

云紫木草蓬蘽一名覆盆一名陵藥一名陰藥其
實名覆盆子今注云蓬蘽是覆盆之苗也陶注云
即是人所食莓耳蘇頌本草云蓬蘽是覆盆苗也
後世別其種類則蓬蘽蔓生有刺葉類小葵六七
月之間花結實累累苗葉至冬不彫也其如蓬蘽
而小先開白華四五月間結實柿而小冬月苗彫
者謂之覆盆盧學士曰續博物志覆盆子是莓子
榨取汁合成膏塗髮不白本草陸英無別名唐本
注云此物蒟蒻是也後人不識浪出蒟蒻條孫氏
星術云本草陸英味苦寒無毒蒟蒻味酸溫有毒

難謂一種又昭案爾雅薦庶郭注庶即莓也今江東呼為庶莓子似覆盆而大赤酢甜可啖又箭山莓注今之木莓也實似庶莓而大亦可食

海蘿海藻也

本草海藻一名海蘿生東海中或生河澤莖如亂髮又昆布葉細者海藻也陶注生海島上黑色如亂髮而大少許葉大都似藻葉爾疋薺海藻郭注藥草也一名海蘿如亂髮生海中本草云釋文引本草一名落骨一名薺盧學士曰爾疋疏引本草一名薺薺與薺音同釋文薺字字書不載疑亦薺

之譌然爾疋別有薄石衣注云石髮也則二者亦
無甚別鄭樵云海藻形如髮衣石髮形如亂髮海
寧周大令春云藻今石花菜紫雲菜即紫萸麒麟
菜即鹿角菜之類藻即今海苔紫菜之類綸組即
藻之大者今名海帶其實一種不必強分為二郭
璞江賦綠苔繁髮乎研上李善注引南越志海藻
一名海苔生研上石

地葵地膚也

御覽本草經地膚一名地華一名地脉大觀本作
地麥一名地葵唐本注云葉細莖赤多出熟田中

苗極弱不能勝舉孫氏星衍曰列仙傳文賓服地
膚鄭樵云地膚曰落帚亦曰地掃爾疋并馬帚即
此也今人亦用為帚

續毒狼毒也

本草狼毒味辛平主欬逆上氣破積聚飲食寒熱
水氣一名續毒生山谷園經云苗葉似商陸及大
黃莖葉上有毛盧學士曰中山經大魏之山有艸
焉其狀如蒼蒼而毛青茸而白實其名曰狼服之不
夭可以為腹病邪注狼音狼戾之狼為治也案此
所治與本草同是一物也博物志引神農經云藥

物有五毒一曰狼毒占斯解也舊本無續毒二字

今據本草補正

慈

去去川反又

羊

音平

蘭

音浪

蕩

音右

也

本草慈蕩子一名橫唐名醫別錄一名行唐陶宏景云今方家多作狼唐或作若玉篇蘭力盡切蘭蕩藥也蕩茶盡切蘭蕩又云慈蘭蕩本此盧學士曰素說文無唐若字史記淳于意傳菑川王美人懷子而不乳飲以慈蕩藥一名濕本草圖經引作浪蕩是舊本蘭訛蘭今訂正

良

音根

鈎吻也

廣韻良草名御覽本草經鈎吻一名野葛吳氏本草秦鈎吻一名毒根一名野葛葉如葛赤莖大如箭方根黃陶注葉似黃精而莖紫當心抽花黃色或云鈎吻是毛良也盧學士曰嶺表錄異野葛毒草也俗呼胡曼草誤食之則用羊血漿解之淮南說林訓蝮蛇螫人傳以和莖則愈高誘注和莖野葛毒藥博物志鈎吻草與苻華御覽作莖菜相似神農經云藥物有大毒殺人一曰鈎吻盧氏云陰地黃精不相連根獨生者是也

昔邪烏韭也在屋曰昔邪在墻曰垣衣

陸龜蒙苔賦云高有死松卑有澤葵散巖竇者曰
石髮補空田者曰垣衣在屋曰昔邪在藥曰陟釐
本草垣衣一名昔邪一名烏韭一名垣羸一名天
韭一名鼠韭唐本注云此即古墻青苔衣也一名
石苔一名石髮其生石上者名昔邪一名烏韭盧
學士曰素廣尺石髮石衣也已見前此則人衆而
後多有之邪璞注西山經烏韭與廣雅同

馬鬣荔也

山海經小華之山其草有荔狀如烏韭而生于石
上亦緣木而生食之已心痛顧氏家訓書證篇云

月令荔枝出鄭注荔枝馬薺也易通卦驗元圖云
荔枝不出則國多火災說文云荔枝似蒲而小根可
為刷通俗文亦云馬薺蔡邕高誘皆云荔枝以挺出
然則鄭以荔枝為名誤矣河北平澤率生之江東
頗有此物人或種于階庭但呼為旱蒲故不識馬
薺講禮者乃誤以為馬薺堪食本草蟲實一名劇
草一名三堅一名承首別錄云一名荔枝唐本注
云此即馬薺子也盧學士曰余在江寧偶得一草
種種皆下叢生葉高尺說與說文所云似蒲而小
合秋冬開每一幹纍纍十數子始青而後藍如貫

珠狀豈即所謂荔歟程氏瑤田謂今之北方東其
根以刷焗余未之試也

水衣落也

說文落水衣也王篇落徒來切生水中綠色亦作
苔盧學士曰此名水衣與前石衣別落即苔也周
禮醱人加豆之醬有落菹鄭司農云水中魚衣是
與此同其字亦當从艸釋文以司農所釋當音往
來反康成則以落作箭萌解其字从艸與此別爾
尺藻石衣疏引陳藏器本艸云大葉藻也生深海
中及新羅葉如水藻而大海人取之正在深海底

以繩繫腰因沒水下則得旋繫繩上五月以後當有大魚傷人不可取也業此乃海苔也可食生石上者不可食也自是兩種陳說當繫之此條下得之

菱菜藻也

菱與菱同說文藻水艸也或作藻召南采蘋于以采藻于彼行潦傳藻聚藻也陸璣疏藻水草也生水底有二種其一種葉如雞藕莖大如箸長四五尺其一種莖大如釵股葉如蓬蒿謂之聚藻扶風人謂之藻聚其發聲也此二藻皆可食煮熟按去

腥氣米粝糝蒸為茹嘉美揚州飢荒可以當穀食
飢時蒸而食之埤疋韓詩沈者曰蘋浮者曰藻藻
似槐葉而連生生通旁淺水中與萍雜至秋則紫
今俗謂之馬藻亦呼紫藻陸氏以為葉似蓬蒿者
乃是爾疋所云茗牛藻非聚藻也

藜荷尊各道反魚也

說文藜藜荷也一名藜藜楚詞大招膾苴尊只王
逸注苴尊藜荷也司馬相如子虛賦諸柘巴且張
博士彼註云尊苴藜荷也文頴曰巴且草一名巴
蕉顏師古曰張說是也尊且自藜荷耳非巴且也

潘岳閒居賦蓂荷依陰時藿向陽古今注蓂荷似
藿莖而白藿其色紫花生根中花未散時可食久置
則銷爛不為食矣葉似薑宜陰翳地種之常依陰
而生也史記正義云蓂荷柯根旁生笋若芙蓉可
以為蔬又治蠱毒也御覽葛洪方曰人得取蓂
荷著卧席下不使知立呼蠱姓名急就篇老青蓂
荷冬日藏顏師古曰蓂荷一名蓂莖葉似薑其
根香而脆可以為蔬又辟蠱毒案本草別錄有白
蓂荷陶注今人乃呼赤者為蓂荷白者為覆菹葉
同一種耳於人食之赤者為勝藥用白者

薦鹿藿也

說文薦鹿藿也讀若剝菴鹿藿之實也爾疋藿鹿
藿其實菴郭注今鹿豆也葉似大豆根黃而香蔓
延生本草經藿味苦平無毒唐本注云此草所在
有之苗似豌豆有蔓而長大人取以為菜亦微有
豆氣名為鹿豆也

為悅專尾鳥是所夾射干也

荀子勸學篇西方有木焉名曰射干莖長四寸生
于高山之上而臨百仞之淵木莖非能長也所立
者然也楊倞注云本草藥名有射干一名烏扇陶

宏景云花白莖長如射人之執竿又引阮公詩云射干臨層城是生于高處也據本草在草部中又生南陽川谷此云西方有木未詳或曰長四寸即是草云木誤也蓋生南陽亦生西方也射音夜玉篇鶯悅宜切鶯尾射干也本草射干一名烏扇一名烏蒲一名烏翼一名烏吹一名草蓋陶注其葉是鶯尾而復有鶯頭此苦相似耳鶯鶯同舊本烏萋訛烏蓮古萋與翼通以音釋及本草證之知蓮是萋之訛也今訂正史記司馬相如傳注司馬彪曰射干香草也索隱引作烏蓮亦誤

木實酸木狐桃也

未聞

烏麩可與藟類也

玉扁麩煮麥也此以藟為烏麩猶以蕎為爵麥耳
盧學士曰爾疋藟當邵注大葉白華根如指正白
可嚼又藟莧茅注藟花有赤者為蔓蔓藟一種耳
亦猶菱苕華黃白異名說文蔓蔓茅也一名舜藟
當也詩小疋戎行其野言采其藟陸璣疏河內關
中謂當為藟究幽州謂之燕當一名雀弁一名蔓
根正白可著熱灰中溫噉之饑荒之歲可蒸以禦

飢漢祭甘泉或用之其華有兩種葉細而行赤者有臭氣也風土記曰菑蔓生被樹而升紫黃色大如牛角二三同蒂長七八尺甜味如蜜舊本草記為麩不成字今据御覽所引訂正

白芷從蕢也

玉篇芷剛及切白止也從渠周切白芷也廣韻花巨鳩切白芷並其立切白芷集韻引此文無白字白芷已見前

馬帚屈馬第也

說文非馬帚也屈刷也爾雅非馬帚注似著可

以為掃帚髮小正七月莛秀莛也者馬帚也玉篇
蕘故沒切刷也第音題草也李時珍云此即蒿草
謂其可為馬刷故名馬帚今河南人謂之穢掃帚
盧學士曰御覽本草經有屈本草實根味苦微寒生
川澤治胸脇下痛腹間寒陰痺久服輕身補益能
老陶隱居云方藥不復用俗無識者紫不知即馬
帚否

菴蒲莞也

菴解見上文漢書東方朔傳孝文皇帝菴蒲為席
顏師古曰莞大雜也今謂之菴蒲以莞及蒲為席

尚質也御覽引此云何承天纂文同葉玉篇每音
茂蒲草也舊本每訛慈今據玉篇訂正

矜禽也

未聞

釋水第十四

管子權修十篇年之計莫如樹木說文木冒
也冒地而生東方之行从中下象其根徐階
曰中者木姑甲坼萬物皆始於微故木从中
釋名木冒也華葉自覆冒也白虎通義五行
篇尚書三曰木木在東方東方者陰陽氣始

動萬始生木之為言觸也陽氣動踞觸地
而生也洪範木曰曲直曲直作酸孔疏云木
生于實其味多酸五穀之味雖殊其為酸一
是木實性然月令春其味酸是也莊子釋文
引字林云木衆樹之總名此篇所釋凡爾雅
所云喬者科者茂者條者莖者核者檉者灌
者無不備焉或分其類或別其名可以辨土
地之所宜亦以見植物之繁庶焉

楚荆也

楚者楚地所出一名荆故楚國入春秋稱荆其後

稱楚而荊州亦以此木得名也說文楚叢木一名
荆也荆楚木也古文作荊周南漢廣箋楚雜韮韮
中尤翹翹者學記蔓楚二物收其成也鄭注楚荆
也史記廉頗傳索隱荆可以為鞭

牡荆蔓荆也

盧學士曰滿疋翼凡木心圓荆心方灼龜用荆煇
漢書郊祀志以牡荆莖為幡竿注如淳曰牡荆荆
之無子者晉灼曰牡節間不相當也月朶刻之為
卷以畏病者師古取晉說廣志赤荆文實者名曰
牡荆牡荆蔓荆也孫氏星衍云牡蔓聲相近本草

蔓荆實久服輕身耐老舊本草註訛壯今訂正

穀楮也

說文穀楮也从木穀聲古株切楮穀也或作杼且
呂切小雅鴉鳴爰有樹檀其下惟穀傳穀惡木也
陸璣疏幽州謂之穀桑或曰楮桑荆揚交廣謂之
穀中州人謂之楮殷中宗時桑穀共生是也今江
南人績其皮以為布又持以為紙長數丈謂之穀
皮紙潔白光澤其葉其好其葉初生可以為茹御
覽吳氏本草穀樹皮治喉閉痺一名楮南方記楮

子如梅實

枯 枯木拍也

枯當作檜說文檜拍葉松身樞松葉拍身與爾雅同又云柝矢太築弦處也枯炊窳木也二字太與檜不相步自孔氏尚書柝榦枯拍誤用枯字學者相承遂以為檜之別體其實非也羅願曰檜今人亦謂之圓拍以別於剛拍又有一種別名檜拍不甚長其枝葉乍檜乍拍二枝之間集變人家庭字植之以為玩

道梓松也

未聞

栲棗釋詁也

說文栲棗也似柿以整切玉篇擇舒亦徒草二切
栲棗也栲栲棗似柿而小司馬相如上林賦栲棗
楊梅張博士彼注云栲栲棗也顏師古曰栲即今
之櫻棗也史記集解云徐廣曰栲棗似柿西京雜記
初修上林苑棗七有栲棗舊本栲訛栲又擇下脫
也字今竝訂正

栲櫨棗也

說文栲栲櫨也府盈切棗栲櫨也可作單子紅切
玉篇棗栲櫨也一名蒲葵櫨棗櫨亦曰栲櫨西山

經石腕之山其木多梭栲邪注梭樹高三丈許無
枝條葉大而員枝生稍頭實皮相裹上行一皮為
一節可以為繩一名栲櫨音馬駁之駁陳藏器本
草云栲櫨子黃白色作房一名梭櫨張博士上林
賦曰并閭梭也皮可以為索木高一二丈傍更無
枝葉大而圓有如車輪皆萃于木杪其下有皮重
疊裹之每皮一匝為一節其花黃白結實作房如
魚狀

栲榴石留柰屬也

初學記引埤倉云石榴柰屬也玉篇栲如灼切栲

榴柰屬本此廣韻柶柶榴安石榴也榴石榴果名
博物志云張騫使西域迴所得文選張衡南都賦
柶東若榴注引廣雅曰若留石榴也御覽引此文
與李善同御覽又引陸璣與弟書云張騫為漢
使外國十八年得塗林安石榴著安岳石榴賦序
云石榴者天下之奇樹九州之名果也羅願曰按
石榴或曰太生西域張騫使外國得之一名丹若
廣雅謂之若榴木不甚高大枝柯偃本作柶榴柰
也葉石榴與柰本非一種且柶又見下文今據玉
篇初學記及文選注御覽補正

株或五格也

集韻類篇株俱音未云格也說文格木也讀若皓
玉篇株武頓切格公道切五云木石

含桃櫻桃也

月令仲夏之月羞以含桃先薦寢廟鄭注含桃櫻
桃也孔疏云諸月無薦果之文此獨羞含桃者以
此果先成異於衆物故特記之高誘注淮南時則
訓云含桃鶯桃也又注呂氏春秋仲夏記云鴛鳥
所含故曰含桃今之朱櫻是也齊民要術引廣志
云櫻桃大者如彈丸子有長八分者有白色者凡

三種果類拾拾桃果名櫻桃也本此含捨鶯櫻並
同

山李崔其也

盧學士曰崔當作雀此說文爵字雀本字也然
此當作鬱詩幽風六月食鬱及蕓傳蕓棣屬蕓櫻
蕓也正義是唐棣棣屬也劉桢毛詩義問云其樹
高五六尺其實大如李正赤食之甜本草云鬱一
名雀李一名車下李一名棣生高山川谷或平田
中五月時實言一名棣則與棣相類故云棣屬
蕓亦是鬱類而小別爾陸璣疏云鬱其樹高五六

尺其實大如李色赤食之甘又唐棣之華云唐棣
莫李也一名雀李亦曰車下李所在山中皆有具
華或白或赤六月中成實大如李子可食

概音概檟越赫菜芡也

說文菜菜芡赤屬市朱切芡菜芡也羊朱切菜菜
菜子寮切繫傳云菜性叢生如薔薇之屬非木也
故从艸御覽引風土記菜芡椒也九月九日成熟
赤色可採世俗亦以此日折菜芡費長房云以插
頭髻云辟惡業本草芡菜芡一名藪內則云三牲
用藪鄭注藪煎菜芡也漢律會稽獻馬爾雅謂之

檄孔疏引賀氏云今蜀郡作之九月九日取茱萸
折其枝連其實廣長四五寸一斗實可和十斗膏
名之藪也。枳者盧學士曰說文枳山也玉篇枳
枳同唐風山有枳傳枳山枳本爾雅也陸璣疏枳
葉如櫟木皮厚數寸可為車輻或謂之枳櫟葉爾
尺櫟其實棗邪注有棗櫟自棗疏引孫炎曰櫟實
也陸璣疏秦人謂枳為櫟河謂人謂木為櫟
枳椒椒之屬也其子房生為棗璣以為此秦詩也
宜从其方土之言枳櫟是也檄者爾雅茱萸醜茱
邪注茱萸子聚生成房貌檄似茱萸而小赤色離

騷椒又欲充夫佩帛王逸注椒茱萸也似椒而非
椒俞似賢而非賢也樵者玉篇樵多朗切茱萸類
集韻樵越赤也類篇樵越椒也陳藏器補本草云
樵子味辛辣如椒越椒者盧學士曰蜀椒出成都
秦椒出隴西天水今北越椒亦必出越中

樛 𠄎 株也

樛說文作 樹木垂朶朶也此與朶同意玉篇樛
都和切木株也廣韻樛木樛也說文株木根

椀 𠄎 也

說文椀桐木斲也椀椀木未斲也玉篇椀口管乎

昆二切東新文集韻引作椀枝也枝支古通用舊
本椀譌椀唐人石刻完多作完易譌作兒今訂正
枝祭條也

說文株榦也可為杖引詩曰施于條枝見大雅旱
麓篇條小枝也周南汝墳伐其條枝傳枝曰條榦
曰枝祭未聞盧學士曰疑本注莫杯二字為枝字
之音而傳寫致誤并失其形似旱

稍補文枝榦又苟柴也

說文柴小木散材徐鉉曰師行野次豎散木為區
落名曰柴離後人語訛轉入去聲又別作寨字非

是刺向九數樹枳棘與薪柴玉逸注枯枝為柴梢者備足梢梢擢郭注謂木無枝柯梢擢長而殺者釋文梢邪音胡案說文梢木也玉篇梢小柴也淮南兵畧訓曳梢肆柴高誘注梢小柴也校者盧學士曰說文校木囚也漢書成帝紀元延二年大校獵顏師古注校謂以木自相貫穿為闌校耳校人職云六廐成校是則以庭闌為義也概者說文概木薪也玉篇概又垢側九二切柴也木此

藜薪也

盧學士曰藜即樵也南史隱逸傳朱百年以伐藜

採者為業說文樵散木也薪莧也玉篇樵昨焦切
薪也本此詩小疋白華樵彼桑薪正義引少儀抱
樵注未然曰樵棄禮記之文本作抱樵釋文側角
反又子約反或音在遙反是容有作樵者左氏桓
十二年傳請無行采樵者杜預注樵薪也天官甸
師以薪蒸後外內饗之事鄭注木大曰薪小曰蒸
曲禮正義云大樵曰薪詩曰折薪如之何匪斧不
克是大故用斧也

茹枳义枝股也


股未詳桂進士謨曰木之枝幹吾鄉稱股蓋謂條

之旁出者爾桂君山東曲阜人詹事兄曰人之四
 枝曰股肱故木枝亦名股竊意股字當在枝字之
 上茄者疑與極同玉篇極於加切本極杖廣韻引
 方言云工東謂樹枝為極杖段氏玉裁云當即架
 字如詩召南鵲巢箋加巢即架巢凡作架者必有
 三股故云股也枳者盧學士曰說文枳似橘非廣
 雅義錢氏澹曰枳只聲只从八有分出意故訓為
 股猶股之作服也釋名服枝也似木之枝格也文
 雅素爾雅釋地中有軹首蛇焉注岐頭蛇也釋文
 軹本或作焚爾音居是諸是二反郭巨宜反孫音

支說文積多小意而止也以禾支只聲一曰積楸
木名徐踏曰積楸不伸之意積職雉切楸俱羽切
是此積當作積集韻音枳曲枝果也疑枳乃曹憲
音簡又說文積楸未詳何木案宋玉風賦有枳句
來巢疑枳楸即枳句也段氏云古枳與岐音同枳
句樹枳處故來巢也又者與枳同說文枳枝也初
牙切潘岳西征賦垂餌出入挺枳來往廬學士曰
手指相錯為叉此即以又為枳蓋樹枝了又交錯
亦如人之手指然枝者說文枝木別生條也古亦
作支衛風芄蘭之支說文引作枝大足文王本支

百世左氏莊六年引作枝

柯莖也本榦也

盧學士曰玉篇柯枝也禮器云禮其在人也如竹
箭之有筠也如松栢之有心也貫四時而不改柯
易葉說文別訓柯為斧柄實則柯木樹莖取以為
斧之柄因名斧柄如射之矢取竹箭為之因即名
矢為箭也說文莖枝柱又木下曰本从一在其下
古文作又榦築牆端木也徐鉉曰今別作榦非
是淮南主術訓枝不得大于榦末不得強于本舊
本本為今訂正

肄枿也

爾雅烈枿餘也方言枿餘也陳鄭之間曰枿晉衛之間曰烈晉秦之間曰肄或曰烈周南伐其條肄傳肄餘也斬而復生曰肄左氏襄二十九年傳晉國不恤宗周之闕而夏肄是屏又云杞夏餘也枿與檠同蓋庚由檠馮融本作枿長發苞有三檠漢書叙傳作三枿說文檠伐木餘也或作檠古文作

不枿二字

楷心者掩橫楷也

廣學士曰枿說文作柰畏也西京雜記上林苑柰

三有白素皁紫柰紫柰紫柰御覽引廣志柰有白
赤青三種西方例多柰家以為脯玉篇榘木瘤也
掩猗儉切掩柰也集韻榘九件切音葵掩衣儉切
榘烏侯切並引廣疋此文

獲

補莫獲落也

說文云凡草曰零木曰落獲曰者玉篇獲落也廣韻
穉獲也穉葉落本此通作穉說文穉木葉墜讀若
薄穉者說文云艸木凡皮葉落墜地為穉鄭風穉
兮傳穉槁也箋云槁木葉也木葉槁待風乃落幽
風十月墮穉小推鷓鳴其下惟穉傳並云落也

木叢生曰榛

說文榛木也一曰叢也字林榛木叢生也任中反
玉南主術訓葵木為榛菜艸為蕁又原道訓木處
榛巢水窟居穴高注聚木曰榛

檉棹梨也

說文梨果名棠今梨樹高二三丈葉脫而膩二月
華色白結實可噉亦有蒸食者檉者說文檉果似
梨而酢檉者司馬相如上林賦檉柰厚樸左太冲
蜀都賦橙柿棹棹李善注並引張博士云檉山梨
廣志云上黨檉梨小而甘如玉篇檉徒丁切檉柰

果名

栗栗也

夏小正八月栗零零也者降也零而後取之故不言剥也紫栗之生極謹密三類為房其房為蝟毛其中類禰者為栗楔尤益人栗者說文栗果實如小栗剗說切通作榛曲禮婦人之摯椹榛栗栗左氏莊二十四年傳女摯不過榛栗說文引作栗栗樸文引氏字林云栗似梓實如小栗陸璣疏榛枚葉似栗樹其子小形似杼子表皮黑味亦如栗枝莖可以為燭五方皆有栗周秦吳揚特饒吳越被

城表裏皆栗唯漁陽范陽栗甜美長味他方悉不

及也

橡

象柔也
音柔反常共也

說文栩柔也其實卓一名樣柔栩也讀若朽樣栩
實草卓斗標實也一曰象斗子玉篇柔今為朽樣
亦作橡詩唐風鴛羽集于苞栩傳栩朽也本爾疋
地官序官掌染草鄭注染草藍蓍象斗之屬朽茅
莊子齊物論狙公賦茅又徐無鬼篇居于深山捨
橡栗而食呂氏春氏恃君篇冬日則食橡栗高誘
注橡卓斗也其狀似栗陸璣詩疏今柞標也徐州

人謂櫟為杆或謂之為相其子為卓或言卓斗其
殼為汁可以染卓今京洛及河內多言杆斗或云
椽斗謂櫟為杆五方通語也椽象椽柔杆字異義

同

柚棗此侯也

司馬相如上林賦黃甘橙棗郭璞注橘之類也音
湊殷傳云彼注云棗小橘也出武陵柚者說文柚
條也似橙而酢夏書曰厥邑橘柚孔傳小曰橘大
曰柚爾雅柚條郭注似橙實酢生江南釋文橘羊
又反或作條又作韓非外儲說云樹橘柚者

食之則甘嗅之則香呂氏春秋木味篇果之美者
雲夢之柚本草唐本注柚皮厚味甘不如橘皮味
辛而苦其肉亦如橘有甘有酸酸者名胡甘今俗
人或謂橙為柚非也柚通作櫟中山經荆山多橘
櫟邪注櫟似橘而大也皮厚味酸列子湯問篇吳
楚之國有大木焉其名為齊州珍之渡江而北而
化為枳焉

而栗也

玉篇栢如之切栗也案而栢古通用栗列聲又相
轉栗即栢也舊本作而栢積也栢與枳積非一物

今據玉篇補云：闕足，樹，栒舍人曰：江淮之間呼小栗為栒，栗郭璞曰：樹似槃橄而虛，小子如細栗，可食。今江東亦呼為栒，栗大雅皇矣，其灌其樹，傳栒栒也。陸璣疏：葉如榆也。木理堅韌而亦可為車輻。

栒

反杜栒好秋也

玉篇：唐積韻並云：栒，樹木，別名。本北栒者，大雅皇矣，其栒其栒，傳栒，河栒也。太爾雅，某氏注：爾足云：河栒，謂河旁赤莖小楊。郭注同。陸璣疏：生河旁，皮正赤如絳。一名兩師，枝葉似松。羅願曰：栒葉細如絲，婀娜可愛。天之將雨，栒先起氣以應之。故一名

兩師而字從聖

杆

反若旦 柘也

柘木之葉亦以飼蠶抽條勁直而長葉小而厚說文柘桑周傳考攷此弓人為弓凡取榦之道七柘為上月令益春命野虞母代桑柘杆者盧學士曰玉篇杆公旦切榦木也爾雅棧木干木郭注殭木也江東呼木解棧文引樊光本作杆木字書云殭死而不朽木或作僵說文云僵僵也或又作榦桑與此言柘似無涉唯類篇云柘也本此

杜冲曼榆也

曼佺未聞本草經杜仲一名思仙吳氏本草一名
思仲一名木棉陶隱居注狀如厚朴析之多白絲
為佳

重皮厚朴也

吳晉本草厚朴一名厚皮生交趾名醫別錄一名
赤朴其樹名椿其子名逐圖經云木高三四丈徑
一二尺葉如栲葉四季不彫紅花而青實皮極鱗
紫色多潤者佳葉說文朴木皮也顏注相如傳云
此藥以皮為用而皮厚故呼厚朴云

木槲桂槲也

離騷云朝搴阰之木蘭兮王逸注木蘭去皮不死
顏師古漢書注云木蘭皮似椒而香可作膏藥
案玉篇櫛力寒切木櫛也文選別遠注蜀都賦云
木櫛大櫛也案如長生冬夏榮常以冬華其實如
小柿甘美南人以為梅其皮可食本草經木蘭一
名林蘭名荷別錄一名杜蘭皮似桂而香狀如楠
樹高數仞生武陵山谷蜀本注云葉似菌桂葉有
三道縱文皮如板桂有縱橫文述異記木蘭川在
尋陽江中多木蘭樹昔吳王闔閭植木蘭於此用
撰宮殿材皆同

益智龍眼也

本草龍眼一名益智圖經云龍眼似荔枝而葉微小凌冬不彫劉逵注吳都賦云龍眼如荔枝而小圓如彈也味甘勝荔枝蒼梧交趾南海合浦皆獻之山中人家亦種之又蜀都賦旁提龍目即龍眼也案後漢書和帝紀注引交州記云龍眼樹高五六丈似荔枝而小廣州記云子似荔枝而圓七月熟御覽引嶺表錄異云龍眼樹如荔枝葉小殼青黃色形圓如彈丸大核如木槌子而不堅肉白帶漿其甘如蜜一朶恒山二十顆荔子枝方過龍眼

即熟南人謂之荔枝奴以其常隨後也案廣雅以
龍眼釋益智本草也然唐慎微經史證類備
用本草及太平御覽並以龍眼益智為二物御覽
引頌微廣州記益智葉如蓂荷莖如竹箭子從心
出一枚有十子肉白骨四破去之取外皮蜜煮如
棗子味甘又方草木伏益智如筆毫長七八分
二月花色若蓮著實五六月熟味辛雜五味中芬
芳亦可鹽曝出交趾合浦建安八年交州刺史張
津嘗以益智殺子餉魏武帝又異物志益智類薏
苡長寸許如枳椇子味辛

山榆母姑柘榆梗榆也

易頤九二柘楊生爻釋文引鄭注柘謂元姑山榆
莢木更生謂山榆之實狀官壺豕氏謂之牡樺杜
子春云樺讀為柘柘榆木名爾雅無姑其實夷邪
注無姑姑榆也生山中葉圓厚剝取皮合漬之其
味辛香所謂蕪荑蔞事兄曰無姑即牡樺牡無聲
相近說者謂實者為無姑不實者為杜樺猶牡菊
之不花者非也說文梗山柘有束莢可為蕪荑者
即梗榆也其字从更即鄭氏易注木更生之意案
柘榆疑是柘榆杜子春所謂柘榆也顏注急就篇

云蕪莢無姑之實無莢一名擗掄今作拓形相近
而訛舊本無姑訛母估今訂正

扼枝子掄枝也

玉篇掄下交切掄枝也本此扼子亦作支子
本草支子一名木丹一名越掄葉兩頭尖如擗蒲
又曰如藺而黃赤盧學士曰史記貨殖傳千畝厄
蒿索隱厄鮮支也文選上林賦鮮支黃璆注引張
博士云皆香草也說文新附掄字云木質可染別
與厄蒿之厄同圖經云生南陽川谷今南方及西
蜀州郡皆有之木高七八尺葉似李而堅硬二三

月生白花其秋結實如訶子狀生青熟黃中仁深
紅宋書謝靈運山居賦林蘭近雲而揚猗自注林

蘭支字

寄童寄生搗鵲也

說文葛寄生也或作搗陸璣詩疏葛一名寄生葉

似當盧學士曰和反盆子赤黑甜美本草系上寄生一

名葛木一名兜童一名葛蜀木名注云是烏鳥食物

子葉落樹上感氣而生葉如橘而厚軟莖如槐而

肥脆今處處有廣韻葛葛葛引廣雅苑童寄生葛

也案葛與搗本非一物疑彼誤也

秀龍巢也

說文鳥在木上為巢秀龍未詳

木下支謂之榦榦文榦子

玉局榦榦榦木下榦也榦新分切榦榦也五音集韻榦是連切榦榦小榦榦榦字吳義同借本無木字括集韻所引補